

四庫全書

史部

欽定四庫全書

欽定盤山志卷十三

藝文四

詩

於北平作

唐太宗

翠野駐戎軒
盧龍轉征旆
遙山麗如綺
長流縈似帶
海氣百重樓
巖松千丈蓋

一作三尺大

茲焉可游賞
何必襄城

外

擬古詩

晉陶潛

辭家夙嚴駕當往志

一作至

無終問君今何行非商復非

戎聞有田子春

一作泰

節義為士雄斯人久已死鄉里習

其風生有高士名既沒傳無窮不學狂馳子直在百年

中

同呂負外酬田著作幕門軍西宿盤山秋夜作

唐高適

磧路天已秋邊城夜應永遙傳戎旅作已報關山冷上

將傾盤阪諸軍徧泉井綢繆閭外書慷慨幕中請能使
勳業高動令氛霧屏遠途能自致短步終難騁羽翮時
一看窮愁始三省人生感然諾何啻若形影白髮知苦
心陽春見佳境星河連塞絡刁斗兼山靜憶君霜露時
使我空引領

答平禪師

宋 張商英

吐舌耳聾君已曉挺胸祇得哭蒼天盤山會裏翻觔斗
到此方知普化顛

盤山招隱詩

金劉迎

谿山不難買所費千金儲不如數峰雲朝昏對吾廬交
游豈無人轉盼傷離居不如吾兄弟相應如笙竽左侯
薊名族溫溫器璠璵身雖市朝寄心與功名疎伯也亦
可人文華炳於菟風神聳魁偉襟韻含冲虛平生一片
心緣塵不關渠相期有幽事歲晚山林俱綵服照黃冠
歡呼奉親輿大婦侍巾帨中婦供庖厨諸孫戲膝前翩
然鳳將雛朝采南澗芹暮漉西溪魚煙霞入杖屨風月

來窗疏觀竹上巢雲禮佛登香爐紅龍雪浪涌白塢蒼
煙孤冰絃寫天籟茶甌泛雲腴快哉天下樂俯仰餘何
須正恐左太冲招隱昔所無

盤山招隱圖

閻長言

畫出中盤望隱歸鳴珂朝馬尚遲遲賦詩未敢輕相誚
卻恐吾山也勒移

盤居李氏

元馬祖常

京塵散盡洛生貂高隱盤居獨寂寥李愿固充唐士貴

黃公還受漢家招山中白石飢來煮爐裏丹砂靜後燒
夜讀五經同異處更嫌秋樹響風颺

游盤山寺

明薛瑄

秋高游古寺俯仰興悠悠塵土禪燈暗龍蛇畫壁幽草
深埋古砌天濶蔽層丘欲問無生滅寒泉晝夜流

登盤山

諸瓘

遠望遙岑散馬羣亂泉激石響穿雲萬山高向層霄掉
一水來從兩寺分啄木鳥飛平地見飯僧人語半空聞

紫萸黃菊兼紅葉爛醉西風對落曛

山居詩

唐順之

搶榆徙海鵬鳩笑續短截長鳬鶴悲山翁未解嵇生癖
垢面蓬頭也自宜

九日戚都督招集盤山寺

劉應節

祇林樓閣倚嵯峨風雨重陽載酒過絕塞山盤滄海盡
九天秋入太行多出車今見周方叔題柱從聞漢伏波
忽報羽書思猛士凭高同和大風歌

登盤山絕頂

戚繼光

霜角一聲草木哀，雲頭對起石門開。
朔風邊酒不成醉，落葉歸鴉無數來。
但使雕戈銷殺氣，不妨白髮老邊才。
勒名峰上吾誰與，故李將軍舞劍臺。

漁陽道中望盤山因寄于戶部覺甫

盧雍

十年見說盤山勝，馬上今看紫翠重。
乘興便須凌絕頂，題名還擬記行蹤。
雲間可辨層層路，風過時聞隱隱鐘。

東道相逢誰是主松間攜酒待司農

偕覺甫登中盤

有約尋山作勝游路回虛谷轉深幽塵纓聊向清泉濯
詩句還從峭壁留隔庵疎鐘初落日懸厓老樹幾經秋
煙霞肯許移家住願疏君王乞早休

又次楊秉節韻

林迴路轉失西東峰秀遙看面面同薄暮殘鐘催海月
中宵清梵雜松風顛巖攀陟窮人力怪石安排屬畫工

望望蓬萊渾不遠仙家時有鶴書通

夜宿中峰次趙叔鳴壁間韻

山房夜宿起徐徐物外身心已泊如竹榻偶陪禪客語
石函還覓異人書雲林虛寂塵凡遠野服逍遙禮法疎
莫訝登臨當歲晚東風正是發生初

次儲柴墟壁間韻

亂石離離虎豹羣峰頭不雨亦生雲百千萬折路猶險
上下中盤界自分歷陟豈辭窮日力奇觀真過往時聞

何當雪月看佳色尤勝朝霞與夕曛

又次覺甫韻

山前雞犬自成村山頂禪房不閉門
游客欲隨僧共隱古松應與石常存
行逢峻嶺還停騎坐看清流自洗樽
煩惱欲除除未得塵中醉夢日昏昏

何燕泉太僕嘗登是山僅及中盤而止因次柴墟

韻奉寄

鳳翅石龍巖
俱在上盤

何郎游興止中峰絕頂何緣一寄蹤
短句多應被山惱

長林先已著雲封未看奇石如翔鳳豈識孤巖有卧龍
他日可能追勝賞還須補屐遠相從

中盤東麓有石壁竒峭上刻紅龍池水四時不涸
脩篁古木掩映其間

行過中盤再計程紅龍池水四時清疎篁自傍幽巖出
古樹偏當絕澗橫老衲休糧如有病好山與世本無情
輿臺莫喝松間道險語先教鬼魅驚

坐藏經閣遺址望絕頂邈不可即

未從仙客借飈車絕頂遙看路轉賒廢閣有基荒草莽
斷碑無字委塵沙也知此地堪逃世猶悔當年不出家
見說開山僧悟道白猿時獻洞前花

偶於敗葉間搜得斷碑四片剔蘚合而讀之有元
人棲雲王楨題上方蘭若詩因次其韻

石路轉復轉雲林深更深前峰圍紫蓋上剝布黃金苔
蝕殘碑字風傳清磬音悠然坐終日銷盡利名心

下山口占

登臨力已倦下嶺復盤迴好景看不足幽期許再來搜
奇得古刻擇勝了餘盃欲去還留戀斜陽故故催

和盧師邵望盤山

王 玠

行臺胸次饒丘壑暇日尋幽不厭重煙樹每勞瞻望眼
雲山多記去來蹤情高孤嶺清秋月興逐叢林暮夜鐘
問俗偶來成遠眺題詩到處寓憂農

同于覺甫游盤山上方寺夜坐

聯鑣不愧謝安游雲淡林巒景色幽飛鳥一聲山寺靜

傍崖千樹曉雲留松花繞澗僧供茗竹葉盈壺客醉秋
佳景幾人能共賞西風塵事總休休

又

有客促命駕乘興入山游野鶴迎人舞寒泉繞寺流老
松蟠怪石落葉走空溝愛此忘歸去斜陽不暫留

同楊秉節游上方寺

于達真

石磴巉巖恣遠游上方樓閣迥清幽雲山不逐高僧沒
殿宇還為豪客留小徑黃花驚晚節深林紅葉動高秋

空堂坐共無生話
悟卻塵緣萬事休

坐看青煙上碧林
空山氣候曉陰森
哀猿夜聽禪僧偈
好鳥時同游客吟
惜景捫蘿登遠岫
尋詩倚杖望遙岑
諸峰尚有登臨處
倦倚寒厓力不任

同盧侍御游盤山

小徑何堪引使車
漁陽城外路非賒
登餘峻嶺迷深谷
落盡寒泉見淺沙
寺近雲霄惟鳥道
峰含煙火即仙家
明春準作重游計
擬上寒厓覓早花

縱馬看山不計程殘冬煙火望來清
泉聲落澗鳴咽石磴攀雲縱復橫
白鶴階前如有約蒼松厓畔似含情
追隨杖履題新句淺俗能勞過客驚

輕輿小隊度荒村來扣禪僧月下門
老樹槎杈枝已盡殘碑剝落字猶存
閒瞻素壁多留句共笑烏臺一倒樽
欲徧諸峰最高頂不堪斜日易黃昏

奉和楊廉峰侍御暮春薊門校士畢同劉大夫子

兵憲讌集中盤寺

蛇盤山勢與天通，虎踞幽燕今古雄。
不斷浮雲來薊北，相邀春月上灤東。
清池波動桃花水，細路風嘶御史驄。
自昔漁陽兵馬地，幾多休暇坐論空。

答謝茂秦游盤山

李攀龍

愛爾躋攀處，竒蹤滿報章。
山盤元氣出，寺抱翠微藏。
拂石搖天影，披花帶雨香。
千峰回白首，萬壑步青霜。
鼓角關榆墮，旂旂塞草長。
陰風來大漠，秋日下漁陽。
海色秦城外，邊聲漢苑旁。
欲因臨望代，遂得紀金湯。

登盤山

王世貞

禪主空祠恒嶽回誰憐盤嶺抱燕臺層巒不盡青天去
亂瀑爭雄大壑來共指丹梯安薜荔還扶蠟屐破莓苔
銀河只在微茫裏欲取寒杓作酒杯

登盤山絕頂謁黃龍祠

謝榛

薊北來游第一山上連七十二禪關人行巨壑泉聲裏
馬度層崖雲氣間石徑蕭蕭風吹冷萬折千迴臨絕頂
鐘響時傳下界遙鳥飛不到諸天迴無勞漢使泛槎心

揮手銀河能幾尋歷歷邊城紛螳垤明明滄海一牛涔
老僧笑指煙霞外此意沉冥誰與會風生平地本無因
雲點太清猶是礙弔古踟躕空石堂黃龍西去杳茫茫
珠林不見菩提影寶塢長含舍利光壁塵拂去獨留賦
下嶺回看迷曉霧放浪人間那復來月明夢繞盤山路
周刺史約游盤山不果
于若瀛

薄暮脂征輪沙起知天風茲來限于役倉皇玄洲東林
端立危嶂蒼翠刺霜空杳靄不可即須臾冥雲重況有

同年友守茲芳譽叢殷勤約我游未及憩微躬徒為山
靈笑躑躅歲將窮寄言採奇者幽興終來同

玉田縣憶盤山

泉石生平頗有興廣川東去思紛紛山程窈窕風霜外
小縣蕭條虎豹羣搖落關河詩總廢支離懷抱酒能醺
曲肱此夜歲將暮何處天開盤谷雲

夜發三河望盤山不見

去年望山山色蒼今年夜行天雨霜颼捲飛沙暗巖樹

天垂昏霧寒星芒陰陽明晦鳥雙逝今昔行藏人獨傷
別山向予弄朝色回首盤峰空渺茫

盤山同朱章夫對月

傅光宅

登臨暫得此身閒共醉芳樽宇宙間明月一輪天萬里
數聲清嘯響空山

游盤山

王衡

塞北山河百二重太行雲氣入提封泉爭亂壑時縈馬
谷響虛巖半是松紫邏煙花當九月青天雷雨入雙龍

朝來策杖中盤寺指點經行第幾峰

孤筇短笠乍低昂翠壁丹楓引興長
片石倒懸流水路斷崖高掩薜蘿房
諸天影裏沉西界斜月林中見上方
繞盡寒空不知路冥冥鐘磬遠相將

盤山絕頂

王嘉謨

雲上峰巒天上浮盤盤未便是山頭
西看落月依三輔南望平蕪入九州
繞徑翠開煙鳥道半空紅現火龍湫
荒唐無限高危意比似人間亦可愁

送陸生從軍薊門

湯顯祖

盤山秋影挂盧龍
別道烽煙入喜峰
但得轅門能拜將
邊牆何用兩三重

入盤山

袁宏道

分明真山子的有畫意
風霜勻粉丹雲霞綴錦地一
皴一百仞雕鏤入空際
瘦骨間青脂蒼勁有餘媚
天紳林頂垂仙藥披襠被
蚪松百萬株黏石無根蒂
峰峰有活石石挾仙氣一
石置一山一山一點翠散
作諸巒

巖分身可千計

盤山頂

摩天抽碧簪俯不見鳥背西日照塢輪影落重邊外峨
髻瘦仙人玉冠蒼水佩貌古骨竒清見者肅而拜浮空
日翔雲足低呈光怪或聚或紛披或舞或澎湃千里聽
風鈴飛花落遙塞一萍一青山一點一人界

登盤山

袁中道

徧山難穩石數步即鳴泉絕壁有心仄野花無意妍
節

前時著薜衲破不藏煙若遂搜尋遍僧居畢此年

盤山道中

朱之蕃

盤山盤泉盤厓壁百折猶難望嶺頭鳥樂菁林山果熟
客停飛旆野雲流綠陰遮屋渾忘暑白叟歌田不解愁
極目雄關環帝闕可知奇興在并幽

送聶章羽游盤山

劉綰嗣

同有看山約妒君偶能遂遠樹漸有色暖日生巒翠相
送出薊門我心先君至山即如朋友游亦有投契人跡

所不經別具道眼視或當逢靜者一叩神仙事

奉陪中丞楊公登盤山

孫應元

五原賓從逐高軒山寺憑虛敞法筵空界雲霞瞻色相
上方鐘鼓隔入天慧燈夜滿菩提樹菡萏晴開太液蓮
勝地登臨能幾見塞垣烽火正無煙

盤谷招游夏木清天風呼雨過蓬瀛山藏竦宇乾坤氣
峽湧龍濤日月明飲折荷筒催彩筆歌翻紈扇浥金莖
遲回好祝山靈護琪樹玄猿莫漫驚

登盤山絕頂

蕭應鳳

聞說盤山勝，當年是鬼工。
移將多怪石，疊作一崆峒。
寺傍雲根聳，人從鳥道通。
煙消關氣紫，日出海波紅。
萬壑爭飛瀑，雙峰半倚空。
憑虛凌絕頂，極目思無窮。

余從北道登絕頂，沈太守襄高叅軍謙寧則南上。
中盤寺相候游覽，既徧題咏，頗多欲下山阻雨。
盤山世應少此會，亦云稀。攀陟歧林麓，栖遲共翠微。
寺靈龍聽法谷，靜鳥忘機千澗分。還合孤雲去，復歸選勝

爭摘藻談空每拂衣最憐山好客遣雨護禪扉

薊州道中

張永正

匹馬漁陽道休嗟行路難霜林無定葉秋水有餘寒白
雁飛初下明霞落未殘盤山凝望裏煙外出層巒

望盤山

高承埏

中盤雲氣下盤生紫蓋峰高晚獨晴安得時平解塵組
白松樹底飯黃精

登盤山絕頂

李孔昭

絕頂盤空際登臨近日華
一峰隣造化四顧俯雲霞
東海神仙宅西山帝子家
連氛遮不見余意滿天涯

山居

夙昔志曠閒奮毅脫俗累
日急食與眠餘若恚可已
澹極精神生隨意娛筆紙
當暑卧南軒客至常不起
忘謝送迎失坦然廢冠履
捫心無是非何暇計譽毀
白雲上岩來就我行復止
好客懶貫酒清談願移晷
去留皆自然交情信如水
吾方學草木委形陰陽裏
倘人快我真

棄置同泥滓

盤山

天府廣記作
失名唐人詩

無名氏

盤山高巍峩半入青雲裏中間最上峰更向天邊起行白石厓六月不知暑

又

見上方寺
東鐫絕壁

無名氏

秋風黃葉口危厓遠上盤山石磴斜君昔有言歸李愿山今無主只楞伽高峰蔽日雲霄上古剎凌空歲月賒口口倚欄口口口老僧口錫口口口

國朝

盤山

陳名夏

藥苗猶在地山鶴不騎來吹破天門雪何人上博
臺

盤山

宋權

山水何奇絕高秋快此行千層盤路轉萬壑暗泉
爭天外懸松影雲根度鳥聲更憐紅樹色遠近向
人明

路入盤山書所見

孫廷銓

野曠煙千頃山迴黛一圍
已諳林下路懶作暑中歸

急雨連滄海羣山赴薊門
客懷無遠近嵐氣足朝昏

山空一徑幽林外樵夫語
驢跡印沙塍昨夜前村雨

青嶂有劃合遙見中盤寺
何處落清鐘臨風時一

至

石上蒼松古雲中
碧寺深欲持調象力
來制毒龍心

憶盤山

魏裔介

盤山信靈異
昔日我曾過
流水鳴深澗
奇峰矗斷阿
弊茶消歲月
入定閑煙蘿
莫問宗門語
閒雲處處多

盤山道中

李 霽

雨餘嵐氣上征衣，望裏盤山逸興飛。
歧路忽逢停轡問，田家小犬吠柴扉。

登盤山作

梁清標

清曉發薊門，盤山近在目。
引馬憑老僧，迤邐迷磴曲。
山根亂石橫，澄泉瀉川麓。
古松勢蚪蟠，春鳥鳴灌木。
窈窕開佛樓，僧徒隱石屋。
下馬坐高巖，宛轉清陰覆。
俯首瞰平原，蒼莽極遙矚。
桃李媚幽谿，煙臯布新綠。
天風吹我裳，拂拂來芳郁。
頓令塵慮消。

良覺幽懷足何事慕蓬丘采真徒僕僕徘徊不能
歸長嘯振林谷

盤山

久識盤山勝今晨驅馬來僧攀青嶂出寺傍白雲
開法相留陰壑茅堂閉舊苔心清聞午磬莫問騎
頻催

夙有登臨興寧辭車馬勞溪雲縈谷樹囀日醉山
桃衣染煙嵐濕峰懸瀑布高荆川曾有賦慘淡憶

抽毫

薊州道中聞盤山諸刹之勝不獲往游悵然有賦
聞道盤山路幾重丹梯遙指最高峰月明虎卧千
年寺雪霽龍蟠百尺松半嶺燈寒方丈火諸天風
送暮岩鐘振衣每欲探幽處初地何緣躡屐從
讀盤山志有作寄青溝和尚

張英

我昔賦行役稅駕盤山下高峰逼塞門蒼岩橫薊
野黛色薄青冥睇望彌秀冶今讀羣公詩煙霞共

繪寫久知林壑佳，益覺塵壒寡。樹杪亂雲栖，石罅
飛泉灑。松檜翳幽徑，薜荔纏古瓦。霜柿艷清秋，風
篁卻炎夏。言念紫蓋峰，依然白蓮社。我本邱樊人，
落落風塵者。夙願在名山，寄詩慙大雅。倘許營一
龕，薌茅乞盈把。

望盤山

橫雲諸嶺峻，東接薊門煙。石色幽燕冷，鐘聲古塞
傳。佛將燈作供，僧藉果為田。縱目勞延望，曾無福

地緣

入盤山至中盤寺望絕頂諸奇勝顧念歸路不得

徧游為詩寫懷

陳廷敬

我聞盤山七十二佛寺寺寺落花流水中古木分
徑延客入谷口往往聞微鐘稍喜怪石堆磊砢位
置天巧煩神工飛巘百尺下澗水谿流時帶殘香
紅山深日斜意惆悵車馬行色何忽忽中盤峻嶒
倦登陟僧言奇絕焉能窮衛公舞劍臺最古磨厓

勒石真豪雄
天門中開飛鳥過
巉巖削壁雙青銅
絕頂埴輪照西日
影落塞外隨長虹
我行荒徼困鞍馬
親按唐壘尋遺蹤
春風血染邊花赤
夜雨苔生戰骨空
弩臺草木莽岑寂
將軍片石青山崇
此來採勝樂幽閒
翻增惋歎愁心胸
孤峰飄忽不可到
還顧所歷煙濛濛
歸途草草罷游覽
他時蠟屐扶短筇

懷盤山谷拙公

布穀響春城
春山寄遠情
紅泉過雨曉
白鳥下煙明
增影飄長塞
雲峰盡北平
松門曾往叩
流浪想無生

同張素存宗伯游盤山

李天馥

西風吹草作泉聲
暖碧寒青畫裏行
危徑多奇難
選勝好山無限
不知名
頻年久負煙霞約
此日聊舒薜荔情
賴有燕公同志友
蓮峰遙禮古先生

中盤仰踞古中胸
望裏香陀暮靄濃
谷鳥禁寒爭

向日山松染雪獨宜冬澄潭詫說乖龍伏叢薄驚
看乳虎蹤聞道上方饒舍利佛燈猶在最高峰

途迷且逐野樵羣依約鐘聲隔嶺聞淺溜遶林俱
赴壑低厓似堞亦生雲珠龕險壓蒼龍腹貝闕遙
紆赤鳳文豈止石門多異石此中大有石將軍

少陵東轉石梁斜步步泉聲激淺沙遍野重陰疑
欲雪滿巘佳樹惜無花游仙徒憶青精飯倚嘯還
憑綠乳茶卻念正平風雅地淒涼不復鼓摻撾

尚書履疾渡溪頻濟勝輸君怯是真百疊驚泉難
覓寺滿山落葉不逢人彌天虛白迷銀海湧地空
青誤輭塵舞劍臺高成獨往倦偎翠嶂且逡巡

洵陽南望接雍奴冷翠凝霄隱寺孤時物禪關惟
黍臠先賢遺砦感雞蘇奔湍怒走長紆練細瀑高
懸巧弄珠喜得閣黎同緩步指揮名勝禮文殊

繫馬停輿直造巔周遭林壑望茫然題名峭壁千
尋上躡足孤雲一片前峰頂翠澄嵐氣渺洞門紅

蝕土花妍御風冉冉窮登眺疑近重霄尺五天

古塏紅龍逼紫虛扶筇直抵遠公居空中傑閣聞
仙梵天際祥雲擁

御書老幹高低皆過鳥小溪清淺亦生魚隨僧退院伊蒲
饌露藿霜松頗自如

振衣危磴踏雲根勝境龍蔥草未髡半壁芙蓉遙
上日一厓煙火自成村榆關歷歷長城見霧塞濛
濛大漠昏俯仰古今頻極目下方遙憩衛公墩

遶麓溝塍接隴頭東來風景薊門優
諸邊村落皆無雨此地人家獨有秋
蒼翠滿山新月好牛羊徧野晚山稠
蓮花亦擅棲雲勝卻憶朝霞故里游

同洪昉思游盤山三十韻

王澤宏

盤山屢經過登陟蓄意久使節無停車
悵望空搔首茲游慰宿願偕往得良友
新霽衝泥塗朝旭射林藪遠矚列翠屏
始覺入山口是時仲春交風日况善誘
繁紅花坼杏細碧葉垂柳辛攀弱蘿末
畏

眺絕壁後同人惜馬力舍騎坐且走百折歷山腰
衆峰悉培塿巖峭松屈曲厓崩蘚深厚翠蓋舞虬
龍斑紋繡蚪蚪五峰聳太清嵯峨若襟肘八石環
漂雲嵌嵌若盤紐登頓坐霄漢延眺憑牖下界
列陰晴低檻宿牛斗巖業千丈石位置五丁手懸
空屹不頽如有神靈守力疲至絕頂方廣不盈畝
足畏罡風烈心悸厓壁陡朋好嘆竒絕僕御仍私
詬野叟對山僧林歌聽樵叟明星見長庚微陽漸

沒酉清梵震遙林素輝上崇阜萬壑號松風如聞
虎鳴吼侵晨披衣坐鴻濛氣未剖雲霞倏開闔煙
嵐遞紛糾幽思勝卜隣聲聞願離垢何為棄寶珠
徒知矜敝帚終老栖三盤浮名復何有

重入盤山至青溝迴

頻年每憶盤山勝今日重過亂石村梨栗成行圍
草屋澗谿分響共泉源尋僧始涉青溝險別友迴
看紫蓋尊無那塵勞催我去平明衝雪到黃昏

望盤山有感

薊門首夏似涼秋重過盤山憶昔游疊嶂何心猶
壁立孤蹤無著尚萍浮結茅擬入雙峰隱砥柱誰
將八石留白首京華緣底事對人那敢說歸休

寄盤山拙公

王士禎

聞師敷坐處地近古中盤煨芋爐灰冷懸燈雪屋
寒六塵浮幻盡五字苦吟安柳栗橫肩去空山問
嬾殘

答盤山拙公見懷

一鴈白雲新活計
三間茆屋舊家風
夜來夢踏琉璃境
路指中盤更向東

送宋牧仲之官通潞

憶上盤山正暮春
山中吟望苦逡巡
而今持節京東路
恰與盤山作主人

謝拙公惠芝

寄書已十載
見面一何遲
忽有山中信
來當歲暮

時欲尋清淨退更訪天人師不遇商顏叟無因茹
紫芝

題拙公寫真

雲門像裏見春容紅杏千林一樹松何日從師聞
寶鏡青溝蘭若子時鐘

較盤山志竟賦寄拙老

選佛場非遠青溝講席開常言行脚去何日打巴
來彌勒同龕處英雄舞劍臺薊門春樹裏東望興

悠哉

退朝雪中懷拙公

東望盤山二百里年年結束負行滕
偶逢金水橋頭雪忽憶梅花樹下僧
鉢裏伊蒲常施烏巖中瀑布幾成冰
丈夫一事公無讓未許尋常將相能

答拙老寄盤山圖

三生支許最相關未得相尋水石間
應笑羸提舊居士祇從圖畫說盤山

游古中盤拜觀

御書留贈佛藏大師

沈荃

丹梯百折到中盤
塢影峻增萬仞看
石罅泉聲如玉
戛庭陰松勢作
龍蟠白雲深處
留仙錫紫蓋峰
頭望

翠鑾

御墨淋漓霄漢上天香
縹緲護梅檀

又贈佛公

門外千峰共一峰
禪關白日雨花重
虎谿欲別還相問
蓮社他年許暫容

盤山詩六首

宋 肇

冒雨訪名山既至雨忽霽
巉巖盡刻露歸雲曉溶
滴五峰互低昂青翠落
幽薊初途得感化碑紀保
大歲法像最淒涼遺構荆
榛翳旭日照山椒石磴
盤天際嘉游方自茲小
向精廬憩

發興窮林巒賴此孤筇拄
威紆循澗濱曲折穿山

鴈礪礪亂石堆遠近無纖土時見巖穴中幾點桃
含雨路旁瞭甲石上有清泉吐遺跡恐荒唐姑聽
樵夫語行經少林寺宗風緬初祖咫尺望中盤對
啟青蓮字微聞仙梵幽寂歷日停午塢院近可尋
池愛紅龍古誰從峭壁間貌得錢塘怒想像香臺
側震蕩風雷鼓淹留酌澄碧游儵粲可數當春雄
雉鳴似應丁丁斧高矚凌晴空遙探偕法侶舒嘯
振鼓薄寧畏豺與虎

茲山最佳處實維古中盤幽磴幾登頓怪石驚噴
屹或如屋宇疊或如象馬攢或拱如野叟或矯如
翔鸞花宮忽仰覲琅璫響雲端精舍連邃洞詰曲
施朱欄突兀五松樹正蔭說法壇長風一披拂白
晝濤聲寒道人南國秀十載此盤桓

至尊昔臨幸

宸翰留層巒昭回倬雲漢豐碑宜雕刻皇矣
聖人作欲和良獨難

萱芽芼作蔬
松花采作餅
一飽不願餘
衰陽掛西嶺
左踏屋角梯
萬松如列屏
嵯峨紫蓋峰
望去不見頂
石窟千年樹
幹作三尺
挺撫之詎忍去
長歌扣其癭
右尋談經石
陂陀更幽迴
蚪枝少拘束
老此無人境
有句不能道
嗟如喉有鯁
嚶嚶谷鳥鳴
徘徊步清影
天外九華高
直擬驂螭騁

空山正寂寥
何處人語響
遙見故人來
臨風披鶴氅
洪厓許拍肩
一笑穿雲上
聊啜僧厨粥
旋策山

隅杖看松訝作龍拜石呼為丈願結煙霞隣拾此
粟與橡嗟余王事迫返駕意悵惘絕頂舍利塏崿
嶂不得往佛牙走樵牧聖燈驚魍魎勝跡匪自今
遠望但合掌其餘栖隱地一一託遐想寄語青溝
僧終期共幽賞

朝望白雲來暮移青松歸石徑屢延佇余情實依
依返景帶山杏夕磬響岩扉弄泉聊盥漱寒色上
人衣道逢八十翁談笑共忘機此中事事佳豈獨

娛清暉退尋入村舍燈下蝙蝠飛賦詩興不淺濁
酒杯堪揮五更望殘月流光破煙扉倚馬語僮僕
我心仍翠微

秋日望盤山用黃山谷韻

隨蝶作馬牛兒女鎖房闥朝來稍蕭散快值涼秋
月庭槐垂陰濃不厭蟬響聒蔬畦聊支筇曠望渺
城闕盤山排空來千巘迴秀發浩然游興生輒欲
著布襪五峰儼芙蓉青蒼樹如髮往者此林巒卧

雲得怡悅栖遲古中盤飽餐僧厨蕨高吟答松濤
岬憤擊銅鉢連篇鏤肝腎誰能狀毫末還經暎甲
石愛聽泉活活今我莅此邦一俗直到骨吏事有
程期曾不失圭撮埋頭簿書間風騷謝鞭撻何期
行藥餘忽覲煙巒窟妙句佇英游庶無三獻刖薄
宦雖漫爾終愧廁簪笏他時紫蓋巔長歌采野葛
藍谿道上憶盤山

楸峪看雲過溫泉策馬還依然趨潞水無計入盤

山夢穩風濤外愁添薄領間新詩如束筍燈下手
頻刪

重游盤山七首

盤山如盤龍舊名為四正幽燕之奧區百里勢奇
橫五峰插碧天羣岫如奔命我行越薊丘曠望迴
生敬趨途隨山樵短策喜孤勁千像凌晨經樹石
莽疎映矮堦儼衆僧導客來相競靈椿學蚪松法
界殊清淨澤鉢失淪漪搖石具情性登攀忘渴饑

亦未暇吟詠俯首紫蓋峰會當持其柄

去去遵山麓谿谷何威遲芒屨鬪石齒竚立宜輕
颺天香穿老屋零落餘眾愚艾而張網羅禍機嗟
虞師盤泉響珮環隔嶺聽愈奇既至得舊觀太息
水之涯照影驚皴面仍不改漣沔中盤白塢院少
林紅龍池停屐還振策胸已無險巖山心探初地
天藻仰穹碑道人知我來為我埽茅茨松石知我來為我
發幽姿所恨春尚早杏萼閔華滋經壇沙淹汨東

崦嵫還披月明嘯高閣願與山靈期

萬壑激松濤空山黯將夕失道困蒙茸蒼耳時一
摘鋸斫勢搏人卻步憐局蹐稍循迳迂未怕層
巒隔人語驚栖禽老鸛聲格格聞鐘投寶坊片月
簷際白登臺撫長松天畔留岼嶢憤隣僧邂逅逢茶
話意良適河漢手可摩猿挂看林隙靈境清心魂
欲卧不安席頭陀催閉目云有虎行跡

游山如歆蔗佳處得以漸碎律挂月峰磴道一何

險孤墪入雲汀殿閣聳巖厰探竒並鳥飛耳畔罡
風颭積雪明皚皚晴靄閒冉冉幽磴藏上方禪扉
日夕掩老僧雖屢邀未去同回剡捫籐勞抗尻狂
嘯等驚魔嶺脊得少休聖燈想光閃佛牙禮金棺
捧視意還歎盈盤薦棗梨地僻僧厨儉嗟余攜幼
來非向金仙詔愛作八極游齊煙看九點

昔余吟五字幽賞企青溝凌風越西嶺闌入麋鹿
游谷口訪邃洞門閉巨石留何時名將軍古蘚纏

兜鍪異鳥靜相語聲比山呼優松鼠竄窸窣豎尾
招其儔顧盼出叢薄花宮臨荒陬茆屋八九間彈
琴藏湯休新詩感祭酒奚啻珊瑚鈎黃精潤齒頰
名畫清人眸幾年輯山志往牒窮冥搜遺世幸同
調矢口談莊周誰謂白蓮社高風獨千秋

游興動枯禪偕我登疊嶂煙嵐清冥濛斷續來樵
唱幽處衛公庵松石訝殊狀位置造物工左右恍
揖讓崎嶇到寺門劍臺屹相向纔聆梵放幽旋策

登高杖蘄絕苔壁橫徐緣石脈上篝火尋題名畫
腹辨字樣新月正如舟散髮一疎放人生螳旋磨
今夕愜微尚四山響木魚清切聞法藏風起海雲
鋪從師聞真妄

曉起問歸路天城經山隅如行鉄堂峽石氣侵肌
膚嘉果不知數遑復問槐榆林端響啄木顏色憐
衣襦幾日天桃開想見絕代姝峭壁壓臺殿詎與
屏風殊松篁紛點綴摩詰當能圖涓涓山腳泉一

寺皆沾濡折松作麈尾酌泉佇銅壺歸示華亭客
定恨不並驅簿書行委坐椰栗何時扶

答拙菴

白雲流滿地黃葉向空飄似此道人白寧殊叢桂
招聞鐘眠佛閣隨鹿過谿橋何限曾游處分明入
夢遙

欽定盤山志卷十三

欽定四庫全書

史部

欽定盤山志卷十四至
六

詳校官太僕寺少卿臣李廷欽

編修臣程嘉謨覆勘

總校官編修臣王燕緒

校對官編修臣吳舒惟

謄錄監生臣薩龍光

欽定四庫全書

欽定盤山志卷十四

藝文五

詩

自雙峰寺望上盤山

高士奇

辟緯雙峰日已西
空山寂寂鳥頻啼
依稀樵徑無人跡
只有花香送馬蹄

松下禪扉報午鐘
溪橋路斷白雲封
山僧拍點遙

卷十四
今寺猶隔巔坑四十峰

下盤山作

撲面紅塵暗客衣年來蠟屐事全稀
卻從仗外看山色一路題詩歷翠微

游盤山

昔讀寰中記茲山勞夢想十年思
一遊塵事日鞅掌扈

蹕過薊門承

無端

再遊盤山

暮春陟崇阿山靈謝客久迴車重逡巡修復中夏
首取徑異疇昔彷彿尋谷口緒風從南來泉聲清
且瀏繁英過眼新密蔭解襟受感此節物遷行行
歷岡阜石人坐藤蘿招我若舊友四山空翠來盤
礴豁兩肘對之萬慮澄身世渺何有側足天地間
煙雲結櫺牖顧茲塵外游屢許鞅掌後飛躍任羽

鱗睠馬撫高厚

題黃鶴山樵樂志圖兼憶盤山

元人四大家王叔明畫尤不易得余

昔游盤山見其巖石磊磊松枝落落以為絕似
叔明水中李九疑嘗云古人繪事如佛說法縱
口極談所拈往劫因果奇詭出沒超然意表而
總不越實際理地所以人天悚聽無非議者繪
事不必求奇不必循格要在胸中實有自與現
境相合此樂志圖卷竹樹蒼鬱樓屋映帶自是
叔明極得意筆跋語不知何時為人割去人間
叔明有會稽書屋圖南村圖他時當一遇也

山意殊秀聳結構隱林壑美蔭環竹樹芳香翳芷
葑田疇既已耕畦苑游可樂妻孥情熙熙弋釣恣

旁礴相與數良辰朋來事杯酌斯境本不難幾人
成遐託披圖有真想妙筆況黃鶴我曾登盤山攢
峰石交錯高下被長松澗水繞巘脚意者山樵翁
粉本收囊橐忽忽十餘年佳遊尚如昨山居志未
遂孤懷付寥廓

讀盤山志賦詩四首寄懷拙菴大師

平生丘壑未能忘蠟屐拋來住水鄉記得盤山三
月暮馬蹄行處野花香

恨少奇書廣見聞
開緘十卷水山文
呼童摘取舊
薇露盟手輕縐到夜分

萬株松影千峰石
一度經過半世思
忙裏壯年悲

裏老

昔時風夜在公流光易
過兩年悼亡損成哀老

蒲團藥竈閉門時

梅天幽夢繞青溝
妙緒清言讀未休
林澤即今誰

可共往還書札慕司州

兼懷阮
亭侍郎

盤山拙菴大師書來奉報

朱彞尊

三盤勝地稱絕衆
嶺何峰最尊別後時
勞夢寐書

金史卷之二十一
卷之二十一
來興轉飛翻青松十里巖磴紅杏千株寺門好雇
犢車一兩輭塵碾到山根

送宋僉事聲之官通路

中盤曾聽佛樓鐘按部重登紫蓋峰料得使君吟
興發塞門百道走紅龍

寄別拙菴大師

青溝雲木晝參覃夢想巖栖燕子籠惆悵花時仍
不到滿衣春雨返江南

盤山

汪晉徵

昔觀薊丘志茲山勞夢想今來侍

鑿輿松石遙俛仰自褰大禮還便道愜尋訪入山徑紆折
泉淙耳邊響初地得感化遺構落荒莽藤蘿坐石
人見招如拄杖林壑最幽秀淨業標名曩傑閣瞰
虛空踈櫺樹梢上緣石勇躋攀暎甲臺倜儻行經
少林寺宗風猶軒朗老衲慣將迎肅客供栗橡咫
尺中盤山仙梵清勞攘更上古中盤怪石爭奇賞

正法禪院開戶外一峰榜

聖人題詩句豐碑炳天壤高渾追正始山靈增輝晃我來
在初冬輕寒氣猶益秋花一已謝鳥語聲逾爽絕
頂雲罩峰遙瞻氣蒼茫信宿翠微游黃山夢來往
寄贈青溝和尚

孫岳頌

拙公盤谷隱古佛峙花宮止靜千峰月高吟萬壑
風懷人憑尺素閱世等飄蓬何日間清論山窓茗
盃同

長安雪後寄懷拙菴大師二首

孔尚任

馬蹄蹀躞御河濱
頃刻春泥踏作塵
翻笑盤山松
寂寞百年曾見幾游人

博士由來最冷官
思山有夢去仍難
空勞看雪遙
相憶獨埽晴峰上下盤

寄青溝和尚

馮勗

結茆驅虎住青溝
裂石天開闢境幽
會得禪心自
蕭寂一輪明月萬峰頭

由瓊紫谷至玉石莊入山

王煥

雨霽殘雲半嶺橫
平沙細路馬蹄輕
松風謾謾聞天籟
澗水泠泠雜梵聲
山鳥頻呼如有意
野花相笑不知名
同遊盡是塵勞侶
偷得餘閒快此生

盤山道中

四月盤山草木深
七年曾此一登臨
杏花楊柳來時路
好共黃鸝續舊吟

曲曲谿流逐徑衰
馬蹄騰踏入烟霞
碧桃知我重

來晚春盡猶留一樹花

歷天門諸勝上雲罩寺

天門孤聳映清暉苔蘚重重瑣翠微
神物古池開一鑑仙靈幽洞閉雙扉
撲巖危石鵬初落插漢奇峰鶴欲飛
鈴語遠聞山徑轉短筇扶我竟忘歸
游黑龍潭投宿暗峪寺

欲探黑龍潭先憩白雲隅
努力勸飽餐無畏登陟苦
微徑識奇樹異草隱榛楮
怪石幻萬狀偃仰復

偃僂或如蚪龍盤或如獅舄怒或如鼃鼃伏或如
鸞鶴舞近睇每彷徨遙瞻還愕懔騰躍效猿猱有
筇不暇拄漸聽亂泉鳴喜色溢眉嫵渴甚競杯飲
味甘勝醴醑力竭依危石屈伸撫雙股前途正險
巖沉復多蛇虎躡足履巉巖恨不生雙羽橫亘眠
石虹皎潔無纖土懸流挂足練蒼翠苔紋古映日
發光華微茫辨絲縷噴瀉注洪潭颯颯生風雨清
澄鏡面平鬚眉擬可數環凹若鬴錡欲濟無樯舫

週遭石浪生疏鑿疑鬼斧深杳不可測傳是神龍
府賓從暨僧伽相視舌各吐云更有三潭聯珠嵌
巘許倦者先告歸進退分步武夕陽亂人影相顧
信踽踽突兀兩山逼壑壑肖天姥三潭水深溜厓
峭削雙堵積鮮觀藤蘿蝸涎汙綸組顧此肌骨寒
悚慄不自主息息轉林麓隱隱聞鐘鼓倚杖叩僧
扉振衣登梵宇老衲餉果茗山厨炊秔稌飯罷尋
斷碑零落字形腐放腳卧禪牀清歡洽肺腑默數

此日遊昔賢孰堪伍擬徧告同人先須禿筆譜

入盤山

衛台瑞

滿村梨葉帶霜紅最愛名山風雪中儼若峨冠不
可見三盤頂上白雲封

出盤山口號

蓮花池小一雙灣亂石霜林谷口還比部何當游
興足馬頭指點說盤山

晚步隣菴訪盤山和尚共話

何五雲

緇塵無地愜幽尋
何處微風度梵音
素盞茶香分菊色
空天月冷入松陰
十年勞吏還家早
四正高僧避俗深
相送柴門成一笑
霜枝驚起暮棲禽

到上盤登挂月峰晚眺

阮旻錫

客子御風來峰巔
已挂月月上薊門山
邊笳靜不發薊門秋
塞晚無烟塞外高峰
欲挿天迢迢亭障
三千里東臨碣石滄
海邊滄海眼中一勺
小塞北江南青杳杳
不知天地幾何年
但見陰陽疾雙鳥

古人寂寞已塵埃山川留待後人開
王闕西入班超老磧中更有李陵臺

出下盤

萬壑松聲萬壑泉芒屨踏破五峰烟
驚魂猶向巖間墜快意無如洞裏眠
彈指徧開彌勒閣分身却下大羅天
唐碑宋碣曾何有愁閉空山六百年

題盤山圖

三十年前曾閱此而今垂老得親游
昨宵一覺青

山夢試問圖中可似不

游盤山歸蒼林上人有詩見訊依韻答之

老去漁陽俠客心青霜匣底冷龍鐔五更誰打鼙
鼙鼓百歲空為數數吟曉夢無端雲易散秋燈有
缺月先沉近來不用參方去會得盤山賣肉碓

將游盤山東諸同志

鄭纘祖

風塵苦羈束邈焉思遠眺況值此清秋烟霞有同
調憶昨上方游山水仰高蹈如何夜來夢親覩盤

山貌巍然雄朔方不與上方肖偃仰羅羣動襟期
豁衆妙微茫香難分約畧覽其要尤愛孤峰奇輕
身凌絕峭坐觀千岫低卧聽孤猿叫醒來心魂幽
猶聞巖谷嘯何當與君期白晝窮微奧

登盤山六十韻

皇天閔華滋驅山作屏列遂令此峰高靈氣於焉
結混沌判何年登臨快此日蜿蜒塞外來突兀空
中出迴伏衆岡環鬱紆微輕折千尋拔地軸一柱

撐天闕高可凌虛無遠能鑒毫髮初登猶塢塞數
轉漸超豁層層凌絕頂了了見澄徹奇非神鼎鑄
峭豈昆吾切不假藕絲穿寧藉螺穴軋自覺石泉
幽羣推林麓鬱三盤曲有餘四望端如一有如奇
偉人視高步還濶有如貞靜姿澹寫無塗抹又如
古鴻文體正而詞括不落小蹊徑渾然大手筆迺
知帝王區遠與郡國別流峙合而鍾神奇蓄不洩
三山或比隣五嶽孰優劣洞壑相崩峭岡巒互出

沒山容幻紫青石狀逞危突老樹鱗槎枒枯藤糾
曲屈晦窺猿洞暝曉映龍潭澈高墻落雲霄奔流
倒溟渤橋疑石梁迴瀑向廬山割陟覽盡丹梯徘徊
多寶剎聲傳清磬連翠匝蒼松密轉瞬淡濃分
移時向背失神工迴不倫至化杳難詰以彼雲中
奇幸茲遊覽決別來骨肉踈興到親朋挈步兵兼
小咸封胡並追末陶公意特豪惠遠禪堪悅不用
籃輿隨自把桃杖伐將毋山靈觸亟遣神丁奪選

勝期先登耽幽每後歇意中各有屬佳處誰能忍
歷級身頻高迎眸眼一瞥石困棗梨封天厨豆瓜
實采摘怡性情噉食慰飢渴歡賞及稚童追呼踐
履襪傾欹驚涉險超忽欣初脫古跡半陸沉導僧
費指說留連竟夕晨信宿擁裘褐幽夢浩無涯孤
懷勃難遏起窺澗底雲欲掇峰頭月夜氣何微茫
商飈乍凜冽每苦出門艱頗虞行路窒斯游偶然
遂勝事焉可必維昔漁陽亂紛然戎馬逸風塵昏

頃刻干戈競倉卒是山畜遁逃所全十七八天心
應有在民命賴以活誰言桃源洞迴與人間絕桃
源信可求苦為塵世貼褰裳最高峰東望遼海滴
緬懷管幼安皂帽高自潔欲往從之游青天騎虹
蜺歎息斯人徂清風千里發

盤山絕頂次戚少保韻

木落風高旅鴈哀天空雲斷戍烟開三千餘里盧
龍在七十二菴寶積來塵世幾番悲浩劫清時何

處見邊才英雄事業身難遇少保曾登舞劍臺

三河道中望盤山絕頂

策蹇東臯欲暮天上盤高出萬峰巔遊人指點如
曾到一抹浮圖盡碧烟

登盤山絕頂

上盤突起鬱崔巍卓立孤峰何壯哉古戍烟中千
堞出漁陽樹裏一城開翩翻鳥背高低見錯落雲
根松石徧僧言寶塲時放光歲歲佛燈除夕見

重遊盤山呈青溝大師拙菴

憶昔尋遊到此間五峰相對一開顏東甘澗隔西
甘澗西架山連東架山雲寺罩餘常帶濕天門開
早不須關吾師若問重遊興曾向仙人橋往還

留別拙公

洪昇

我避囂塵到幽境一住渾忘旬日永春風三月山
不寒飽看青松與紅杏半生詞賦何所求結社思
陪惠遠遊清泉白石信可戀妻兒待米難淹留勞

生汨汨終何極一夢百年如晷刻明日風塵下界
行迴頭只見青山色

陪王吳廬先生游盤山

問訊盤山路乘春竝馬來高低空翠合斷續野花
開斑鹿穿林導黃鸝隔嶺催人言扶杖客先到白
雲隈

微聞鐘杳杳漸近水淙淙倒影穿雲塔橫枝迸石
松峰危欹紫蓋池古瀉紅龍更上前山去相將策

短筇

老僧解留客隨意共園蔬
布席憐松蔭看山愛雨
餘林深頻竄鼠池冷不生魚
同是忘機者探幽縱
所如

澗斷垂藤接林迴狹路分五峰
爭捧日八石各生
雲僧與豺狼狎人將鹿豕羣
閒來剔蒼蘚細讀古
碑文

絕頂此躋攀蒼茫曉日殷
一身飛鳥上雙足亂雲

間大漠連滄海長城補斷山遙看古北口天險舊秦關

幽尋未云竟驅馬忽言歸惆悵攀芳樹低徊戀翠微
出山雲遠送留客鳥遲飛多少塵勞事誰能便息機

將遊盤山寄拙菴大師

殘臘與師期高松看雪歇杜鵑花欲盡真悔入山遲

山色潞河東朝朝憶遠公青溝望不見只在白雲
中

再入盤山憶與吳廬先生同遊口占寄之
重尋白雲來獨入青山去青山笑問余故人在何
處

由青溝越山至雲罩寺登舍利塢眺望

策杖凌西巘捫葛踰北嶺厓斷徑轉危林深路逾
永微窺白日光亂踏青松影巍峩啟佛宇閒寂隔

入境千尋舍利塔獨踞最高頂鐸響天風翻雲深
石氣冷指點古長城連山作門屏幽薊與青齊微
茫辨烟景絕磴倦躋攀禪房息俄頃夢覺聞疎鐘
脩然道心靜

山中寄朱若始

壯歲飄然辭紱冕哀年勉爾傍風塵鹿門居士安
禪久栗里先生乞食貧江上鴈稀書隔歲山中花
發病經春餘生漸悔浮華誤近向蓮宮叩淨因

山中夜坐和王右丞韻

松風千萬樹松月二三更
惟對一僧坐詎聞羣鳥鳴
形神都已散身世竟無成
不學空門法真為負此生

山中雜題

踏徧紅塵十載羸來白髮千莖
決計深山獨往喧囂怕殺浮名

八石餘多怪石五峰外有奇峰
始信古今高士超

然不列儒宗

泉聲三里五里松影千層萬層紅杏山山迎客白雲寺寺尋僧

別盤山

步步出烟霞依依望林樾縱拋石上泉難負松間月

拙公相送臨別口占

老僧立松根遊子下巖際揮手復迴頭白雲路迢迢

述

三月五日宿山下茆舍作

積歲墮塵網靈襟坐迷惑久思訪名僧人事苦羈
勒東風漸暄和高興過不得騎驢穿柳堤新雨沙
似拭依微白雲中忽見青山色入望猶迢遙倏然
豁胸臆今宵孤嶺下茆屋聊偃息明發候晨霞攀
蘿事登陟

和宋牧仲先生答盤山拙公見招 朱載震

聞說盤山裏春風杏亂飄
會須匹馬去不待老僧
招明月紅龍沼青松白板橋
薊門連潞水東望未
曾遙

將赴盤山作

宋至

清明已過穀雨前正是山寺飛花天
老衲一紙期
携手小僮半夜促著鞭
筆牀硯匣早束縛
繩屨布
襪殊安便
會須拄杖穿雲去
坐看春水流平田
游盤山

飫盼盤龍竒未覲烟嵐秀卻幸薊門過五峰得深
究碑兀挿蒼穹目注雙睛瞥羣山莽迴合各自効
奔湊頻年雜塵戰如馬困閑廐茲喜饒餘聞兼之
當春晝早起理芒屨千像競先就村醪提滿壺囊
橐裏糲粳看山似讀書宜漸不宜驟稍覩層嶠改
乍聽雌雉雌巨石何礪礪勢欲向人仆是時天尚
寒谿訝厓骨瘦暎甲留荒跡琮琤瀉清溜行徑聊
支筇手口快盟漱威紆達中盤紺宇名著舊五松

蔭講堂鳳舞蛟龍鬬科頭松下眠花落黏衫袖往
者戊午歲警

蹕來我

后

天藻劉豐碑山靈時護佑登頓忘朝昏落日照井甃載陟
淨業菴歡呼躍童幼夾道拱枯柏果植亦綿茂但
恨朔風高不克樹橘柚到門啼幽禽便捷穿鼯鼯
老衲出戶迎項縮語誼譎竚立向空階心已飛靈

驚藜莧任飽餐適口等醇酎梵經誦有期木魚聞
夜扣凌晨踏天梯數里入雲竇撐拄憑桺栗顛危
賴匡救遙睇長城雄燧息餘空堠初地聳層巔棖
桷牢結構尋僧下青溝蘭蕙託香臭談詩據繩牀
眄彼雲出岫旋覓舞劍臺攀藤學猿狖從簡此題
名大書還深鏤呼僕磨礪欲搨蘚花繡更有天
城幽削壁驚竒覲屋背兩方塘風過水紋皺似茲
陵谷佳應居匡廬右作詩倣南山字句愧疎陋四

正多神仙靈異說祕授鶴氅去復來粟粒視宇宙
人生擬蟪蛄無天亦無壽願藉澤鉢泉滌我世俗
疾駕言往從之散髮遠謫此地足棲遲詎必訪
勾漏

喜晤拙公

我昔尋師盤山麓三月欲盡春花浮我今逢師長
安陌正月纔過春風柔師住山中理山志而我南
北恒淹留每值方外輒問訊但少佳句將綢繆遙

想青溝真清絕秩秩泉水淙淙流更有萬本老松
樹月明風動濤聲幽似此勝地不長往塵土滿面
殊增羞計日豆苗當漸長擷芳好向烟嵐游

送拙公歸盤山

林鳳岡

人間剛許一相逢又躡田疇古隱蹤石路半遭雲
氣塞山門全是杏花封天隨盤處青三折日到臺
邊白五峰怪我此心同片月隨師直挂碧芙蓉

春日贈別拙公

吳啟元

五嶽名山老貫休
披圖指點見滄洲
徐無從此開生面
畫出長城半幅秋

蚪爪蛟須裂石紋
一盤松是一盤雲
老僧菴在中峰頂
手弄蒼烟到日曛

山北山南盡杏花
亂雲堆裏遠公家
何時許我閒來徃
一杖穿林卧石霞

衣上雲烟杖底泉
迴看塵土轉茫然
此行知踏千峰雪
又住盤山廿五年

送拙菴和尚還山

王孫茂

塵世何緣識遠公，翛然巾拂古人同。
半肩猶帶千山雪，一笑如聞萬壑風。
雲水無心慵說法，天花有意自零空。
懸知明日言歸速，應憶巖前杏葉紅。

久住盤山不出山，纔來又逐鳥飛還。
緇塵寧染蓮花淨，春晝惟耽鶴夢閒。
洗鉢潭中龍起蟄，題詩峰頂月當關。
道人踪跡真堪羨，何日追隨豁旅顏。

贈青溝和尚

袁佑

青溝絕勝到人稀
遠寺寒鐘落翠微
多寶塢前雙白鷺
悠悠時共野雲飛

湍山飛雪杏花紅
松老鶴鳴萬壑風
吟罷禪心對明月
春泉流水自西東

贈青溝老人

龍震

亂石無平路
尋師到極巔
空香雲裏結
冷翠雨中懸
元亮非貪酒
遠公不說禪
白蓮如可續
花鳥共因緣

留別青溝老人

已愛春山色愁拋秋月堂飯供雲子輒泉煮豆苗
香阮籍晴難白支公意更長浮名不久戀末路好
相將

說盤山

我從四正來未了三盤債同人問勝游說之顧不
懈上盤松樹多中盤巖石怪下盤流泉冷十里間
滂湃五盆溝不深天門路最隘雄為舞劍臺險是

六王砦五峰各聳立烟雲實一派近為山中僧勒
石分疆界幽人縱來隱俗僧焉肯賣每到快心處
反令心不快

寄懷盤山拙菴老人

每憶田盤山先動青溝情青溝有隱人髮白精神
清結茆巢深雲高卧在松聲嚮時一把晤心素為
之傾飲我漱玉泉飽我豆苗羹携手窮巖竇高險
獨先行是樹皆有勢是石皆有名烟霞雖模糊指

畫得分明留連僅五日已大快生平至今入夢寐
尚與共品評何能耐劇煩復居塵中城

遊盤山

許兆麟

名山直北翠巒嵒曲磴羣攀絕處通峰擁蓮花翻
曉日巖垂薜荔響秋風蒼松懸雨看天密清磬穿
雲落澗空已勝汗游收八極何曾笑語世塵中

太行振勢涌盤山山谷盤龍勢莫攀鳥道直通天
北極連州跨海帶重關薊門雲接天京樹結想山

靈不我顧塵途鞅掌歎倭遲突而行值登山路
迴五峰刺遠天雲霞閃爍擁青蓮泉穿石罅淙淙
出屈曲寒生萬壑烟山中精藍七十二處處林泉
領幽致上盤天際下盤紆更有獨勝中盤寺高人
遯跡此棲真豎樵麋鹿結比隣開山寶積燈傳永
談禪講律人天津我來憑眺窮幽討唐宗李帥師
行道舞劍臺空縱有名帳房石畔生豐草橋下泉
聲去不回暎甲何如洗甲早安得功成策蹇歸一

日一陟山椒老

盤山

博爾都

策杖攀危磴蕭蕭萬木聲雲過衣漸濕泉沸馬頻驚
怪石當軒立枯松隔路橫渾疑塵世外真覺道心生

懷盤山

曾入羣峰裏林深古剎閒草花明石隙野路晦松間溜水和啼鳥歸雲補斷山至今縈夢寐何日更

躋攀

游盤山

陳璋

百轉羣峰上迢迢一徑微
水流清見骨虎氣冷吹
衣杖易穿雲入人難避
鳥飛經時還詰曲未敢便
忘機

游盤山

錢震

一入盤山意豁然扶筇十里梵宮前
松遮柏蔭疑無地路轉峯迴忽有天
西嶺殘陽東嶺月南窓空

翠北窓烟流連旬日終難別直欲携筇老歲年

盤之路

十里重岡鳥道衮入山紆折萬松遮石頭滑處還
當省穿出層雲便到家

盤之石

一山奇石累千峰峰頂雲頭盡是松愛煞嵯峨靈
且秀應教憶念米南宮

盤山

呂齊端

三盤率律環畿東憑空削出青芙蓉怪石作膚土
為骨千溪萬壑蟠蚪龍嵐烟樹色條更變天地於
此開生面蓮花紫蓋列翠屏古寺氤氲時隱見晨
鐘暮鼓鬱相望瀉瀑鳴湍自激昂百尺晴虹跨幽
澗浮圖挿漢生光芒亭軒接趾誰經拓閭洞陰森
鬼斧鑿渤碣滄溟指顧間長城蜿蜒連沙漠肥遯
常懷田子春只今駐節亦高人傳燈屢著神僧蹟
靈巖秀嶂增精神年來蠟屐真踈嬾晞髮科頭住

蕭散白雲舒卷若招尋
遙對無終弄霜管

青溝贈拙公

梁洪

此中有開士猿鶴結同心
對月石門敞著書花雨
深翠微澹鬚鬚緇土空
衣襟無語坐春澗有時
携素琴相將談勝概不
覺發微吟更指上盤好
詰朝雲外尋

溪亭

桃花爛漫水潺湲
獨坐溪亭心最閒
天上春雲晴

萬疊層層望去到盤山

秋日望盤山

莫夢駟

微茫烟樹薊門空
翠削芙蓉望不窮
螺髻盤迴青嶂外
黛眉宛轉碧雲中
林高泉響驚秋雨
壁絕烟生起暮風
但得身閒能濟勝
道心何必向崆峒

入山值杏花未謝喜作

孫才衡

可怪東風樹能消
幾日開竟留花未落
似待客遲來帶雨浮
紅雪臨風點綠苔
山林春自好何必曲

金一八ノ三
卷十四
江栽

遊盤山

一徑入層巔崎嶇路轉偏馬蹄天上落入影日邊
懸殘雪消春澗荒松帶夕烟招提何處是隔岫有
鐘傳

盤山

張 霍

四正山頭策短筇亂雲危石踏重重地天入籟千
巖水上下中盤萬樹松古寺琴僧空自老荒臺劍

士有誰逢蕭蕭只恐風雷起飛出深潭五百龍

寄青溝老人

我憶青溝老世情久屏絕裏足翠微間松雲一簾
閉流覽西方書卷卷古冰雪慧業望大人每每辱
高潔不間戒律弛反苦禮法設始信寒山詩即是
真禪悅一別池上蓮三年想芳烈山中自朝暮人
間瘦時節述作豈無志心勞日成拙安得負塵笈
環窓就區別

題盤山圖寄贈拙菴和尚

龐 瑄

我夢盤山已十年披圖如在萬峰巔
何時拄杖尋師去再証龐家居士禪

盤山巖壑寫來真馬老重來住後身
他日相逢好相識笑余還是牧牛人

題盤山圖兼寄拙菴大師

何百鈞

盤山如盤龍祇園當龍背雲生香爐中
龍吟亂雲內境險人跡稀卓錫拙菴在
禪定發深悟辯才了

無礙心由教外傳道與名山配清淨余所耽披圖
恍身速何當遠從遊超然去闌闌

盤山和德松如韻

塞爾赫

涓涓石髓瀉空青謾謾厓松列翠屏記得中盤西
北望九華峰勢對孤亭

環翠亭遙對九華峰
王衡維山集亦及之

霞烘亂石帶山村惠遠東林飯菜根三十五年一
彈指不知巖竹幾生孫

寒青暖翠五雲中石磴千盤鳥道通一徑香生不

知處古松花落下山風

晚春山僧收松花作餅甚佳遲則隨風散去

砂嶺泉邊行策杖宿猿嶺畔擬移家就中佳境渾
難忘坐倚長松看綺霞

水曹佳句近如何十斛珠璣瀉澗阿老去把吟三
歎息輸君滿眼牋烟蘿

辛酉暮春薄游盤山

德齡

似蓋巖雲散薄陰餘春天氣稱幽尋出城纔放看
山眼已作逍遙世外人

踈籬茆屋亂山青處處人家映翠屏
回首薊門西去路軟紅飛撲短長亭

陰陰桑柘鳥聲幽渺渺平灘漾綠疇
誰傍名山成小築枳花門巷嶺西頭

峽裏柴荆別有村交柯新綠蔭雲根
詩人舊識桃源客今日來看四代孫

諸天樓閣畫圖中亂石幽泉一徑通
知是僧厨燒榘葉紅簷烟颺落花風

參天松柏影縱橫
占岫嬌雲放午晴
小坐僧窓証
聞見萬株寒翠木魚聲

選勝登臨憶昔時
盤雲深處徧題詩
卅年重倚巖
前樹猿鳥誰能認髣絲

雲封藥竈仙人洞
月照香臺佛子家
羽駕颺輪無
返轍重來清恨滿烟霞

移居盤山詩

永寧

卜宅依山麓從容亦苟完
編籬三徑曲鑿牖一天

寬鼓腹煨鴟芋章身製鴟冠舉家清且健隨在可
盤桓

山僻招提古人閒話易深鶯花騷客興泉石老僧
心杯泛東村酒絃調西澗琴相歌復相笑世眼任
升沉

田廬

名山

巖徑好處處處建招提飛棟接天險盤松卧

地奇風雲時變幻水石自紛披居近前峰下開尊

醉所宜

金少隱詩集卷十四
抱疾停農日捐書小坐時分花刪病葉脩竹得新
枝往事多歸夢幽懷盡入詩一樽聊獨酌空谷更
誰期

蒼茫葦動息岑寂小樓空遠水猶將月孤雲不近
風衣霑秋露白窓闔夜燈紅此際酣高枕清尊幾
處同

臨流偶適興石上坐忘歸野岼花多致山泉魚不
肥幽栖人事簡高蹈古情微任達無拘束從誰問

是非

煙蘿籠古寺，亂石出人家。
在山隅下，僧來樹杪間。
桑麻秋段段，鷄犬日閒閒。
祇說羲皇世，於今見一班。

賜游盤山恭紀

蔣溥

太行鍾淑清，連綿壓平谷。
田盤舊隱地，千載留芳躅。
洵水放碣石，郡注詳記錄。
彤勝推漁陽，屹峙鎮畿服。
直欲凌崑閬，何須訪嶽瀆。
年年望

翠華游豫耀川陸

別院敞蕭疎

法宮森肅穆縹緲流雲曛曠映初旭怪石蟠蛟螭

奔泉駭麋鹿野花處處紅巘薜層層綠

幾暇時澄觀仁智樂具足名山賴傳記

特勅校天祿舊乘多舛誤或陋或繁緝摛辭歸雅馴

宸章謹三復

詔許探幽竒庶不限耳目勝游昔企慕

殊恩今幸沐蠟屐整籃輿問途指林麓春風正潭池山
光金碧煜三盤鬱相望迴合勢奔逐烟嵐倏變幻
振衣恣遐矚清磬出伽藍微聞梅檀馥小憩亦復
佳禪房隱花木摩挲古碑碣文字半可讀絕壁拂
瓊霄藤花風簌簌頓疑窈窕峰飛來古天竺炊烟
一縷斜巖畔露茆屋周匝樹檜杏叅差藝葵菽耕
鑿盡熙皞穿雲引黃犢方知春事深林間鳴布穀
何處泉聲幽琤琮戛寒玉石路相激盪勢不異飛

瀑盈科地漸寬
縠紋澹洄洑從容數游鯈
閒逸愛浮鷺
坐覺怡我情
清澈似可掬
丁丁樵斧傳
喁于斷還續
石磴翠微開
山腰細如束
古松千萬樹
蓋偃空青簇
清風天際來
湓涌海濤蹙
龍鱗何斑斕
攫拏虬枝禿
老根長茯苓
往往山僧斲
洒然心神曠
遭逢良自勗
頻年扈

屬車

宸翰屢諷讀
山靈荷寵榮
迭開真面目

異數及

微臣

周覽往而復施羅重文獻珥筆摘卷軸佛

地播嘉名仙山紀清福靈蹟發耆闍真形傳圖錄

永言名山藏大彩煥彬郁會看出器車神凝年穀
熟敬紬石室文敢效岡陵祝

賜遊盤山恭紀

錢陳羣

扈從

橋山歸馬策向西指

行宮規田盤攬勝集衆美春山邀

宸賞花柳何旖旎未明即求衣幾務各待理侵曉閑封
章批答馳萬里少焉徹尚食

天房駕騶駟名剎證重來流覽標大旨

翠罕或穿雲回轡未移晷樂山見本性得詩盈剡紙
傳宣盟手讀賡和慚鄙俚謂是當卧游刻劃想像
裏何期

召對問餘論及山水

曰盤當勝處面目靈鷲似爾生靈鷲鄉爾曷不遊此今

者風日佳暫假庶可以出趨

行幄中用敢白相揆同志五六月間者各歡喜上馬
取道西瞥眼驚芳籬誰栽仙人杏千樹爛霞綺紅
者紅於桃白者白於李馬前有鳴泉泉側石齒齒
俛首上石梯磴折疎岌岌有寺名天成紺宇巖半
倚其上小平處石壁堅如壘緣徑陟北岡一步一
殊軌或如馴象蹲或如圍棋累或突而欲墜或張
而如哆蘭若結其間萬松護其址登樓仰

御題海天同一視松濤無根源隨風自起止布席在松
下茗飲就石几嵌空安禪室如匱亦如雉欲上足
知疲中輟心仍企笑與山僧言願借住一紀捆書
一千卷讀竟出還仕題詩留石罅萬松老居士山
僧為我言去道或倍蓰盤中七十二幽絕略可比
天留此枯寂化人實所委山厨無一物蔬菜遠城
市虎狼日磨牙食人如豚豕日落即關門厥患庶
可弭昨聞

萬乘來曳尾各他徙秋官掌邦禁官在道可履守道而
廢官茫茫更何恃遭逢

堯舜君行與夔契擬豈學田疇輩槁項飫糠粃再拜謝
山僧我言實戲耳扶童行彳亍低頭默自惴須臾
日將昃一抹暮烟紫雖有他勝處不敢復請矣我
昔持使節六渡灤河溪屢經盤山下相望尺與咫
昔也對面失今也把臂始遇合有定分飲啄惟所
使要於緣慳時珍重慎一跬援筆記同遊各各詳

姓氏其歲辰在申其日為上巳

題盤山

行宮門外雙杏五絕句

此日

宮門倚作衙常時簷服稱山家居人云是百年物老
樹猶能著萬花

也許山容近玉除恰過寒食嫩晴初端莊婀娜仙
人服看徧千林總不如

肯教桃李占春風雨綻霞蒸暈薄紅樹下最宜

天仗馬驚黃絲勒玉花驄

一枝天嬌更盤拏得地天然擁白沙開向中書省

中客故應題作紫薇花

東偏一枝開特盛閣部行帳直廬即設其下

分付東風莫漫催好花未要盡情開明早別爾當
歸去散直斜陽立一回

賜遊盤山恭紀四十韻

鄒一桂

環畿抱重峰艮位起巖嶽幽光儲精奇元氣苞蘊

結來遊肅扈從眺望引領切剡藤披欲圖叩竹倚
未出

帝曰汝往哉豈可覲面失揚鞭入花塢結伴尋仙窟陟
岡藐三盤下阪輕九折怪石滿林麓棋布而星列
大者如車舟小者若瓜瓞懸者如欲墜動者如欲
活眈目虬虎蹲昂首狂兇突境靜色奔駭心曠神
凜列馬乏換籃輿松聲亂溪舌山譁人語暗樹黯
禪燈滅飛虹架危卵斑蘚生鏽鐵跳珠落襟懷蛰

蟻伸洞穴爭流無俗湍鬪枝有奇奪蓬蓬雲蓋張
紺宇撐仄隄跨虛接藤蘿激竅噴湔渤山僧來睢
盱問言苦詰屈冠者五六人中途已拋撇倒榻息
吁嘻索飲救枯渴壁詩欽

御題篋志嗤可抹愿歸誠妄附田隱亦牽說盤澗自成
邁盤阿自羅刹盤石自磊砢盤松秀孤孑盤空且
盤固盤繞亦盤鬱以此得盤名穿鑿正不必我來
此盤桓為盤寫凹凸就泉作硯池燒松為朽筆盤

意會心胸盤皴非倉卒天成萬松園甘澗東西別
少林蔚中盤鈎勒遍殘碣梵宮七十二過訪僅什
一雲罩天門開遙望絕頂末目貪足力疲山黝日
光沒訝茲鞭血羣深恐履尾啞晚風乾汗水佳境
且回轍留待他年登靈輿忌盡挾長歌記勝遊
恩貺已忝竊

登盤山

沈德潛

漁陽重鎮削芙蓉紫蓋攀躋第一峰亂石雲中蹲

虎豹寒泉松頂走蛟龍微茫海氣環無外層疊遶
城繞幾重身在栖猿最高處擬將白日挂孤筇

天窮漠北鬱崔嵬佛海龍池獨往來纔上半山無
鳥雀早知下界起雲雷隱居為指田盤谷舞劍還
尋李靖臺到此并忘身世感茫茫大地總浮埃

遊盤山自天成登萬松寺邀陳紫山張鏡壑同作

表曰脩

十年騎馬京華客對面西山曾未識田疇先生舊

隱場夢魂往往徒相憶快哉茲來夙願酬一笑欣
然動顏色紅塵漸遠山漸深聯轡翩翻理行策高
處全遮佛子宮隘時幾絕遊人跡寺前劒石撐孤
青寺後琴泉漾寒碧峰迴徑曲幽復幽衆籟空空
鐘磬寂忽然天風海濤相御行長松萬竅同一鳴
颼颼謾謾不暫停老龍天半聞吼聲驟雨乍掩春
晝晴激揚震盪立欲傾何必鼓枻尋連成到此已
足移我情掉頭便謝青冥去歷險捫竒行且住萬

幕沉沉隔暮烟依微不辨來時路此遊鄭重非等閒放朝特荷

君恩寬平生寂寞苦愛山誰識坐致輪蹄間百年一瞬
危馬是但當歡樂無憂煎下有清泠百尺之深淵
上有蔚藍萬里之高天縱目直過飛鳥前白雲千
頃何茫然爽如鷹脫鞵上絀曠如馬出泥中羈人
生固取適意耳以我自視寧非仙明晨隨

輦驅車發重來亦是經年別石上題詩誌不磨丁卯

之年仲春月

賜遊盤山恭紀

董邦達

田盤山色天下秀

真人樓觀開雲岫每從朝退望翠微飛來復見此靈鷲
平生結習耽林泉況得奇觀邇

文園披圖覽勝久神往結願何時始得副丙寅九月
秋景佳承

旨遂得凌高崖霜林點染紛繡繪千巖疊玉層雲排穿

雲漸入最深處似登閬苑升瑶階躊躇滿志歸自
慶

君恩曠蕩真靡涯數年以來勞夢想時對三盤憶蕭爽
花外烟霞鎮卷舒松間風月森虛敞神馳益覺登
眺美躬歷曾諳名勝廣從教吟望心徘徊祇瞻彩
翠依

仙仗今春正值三月時花磚日永趨

彤墀

天語傳宣勅授簡山經輯綴探幽竒舊志一編未醇備
此邱蟲測還傳疑今茲蒐羅務詳慎廣擇博訪宏
辭摘有

詔更許蠟游屐洞天真景恣尋索驚逢異數出螭坳喜
隨仙侶過鸞掖四面蓮葩拔地攢千章松樹叅天
劃蒼玉劈殘巨靈斧黃金布滿能仁宅盤泉伏地
琴箏幽白石齒齒噴清流洒然似映冰壺立頓疑
萬壑澄高秋是時山花將吐萼瓊枝敷暢環丹邱

金碧照耀人天界神秀一一歸雙眸五岳真形圖
未易況是壺天清景閱親切應須得縱觀仙遊更
沐

君王賜雲霓松棟瀑聲喧日麗芝房峰影邃經營粉本
備規模粗識

堯禹恭儉意茲山造化精英鍾烟嵐岵嶸青芙蓉

聖祖宸翰耀珠璧我

皇御製鏘笙鏞高逸已垂田盤跡古德直開臨濟宗二

酉可三三神四崑崙縣圃相追從

微臣

此日懷油

素記取清華得殊遇豪吟欲繼龍池篇縷述思摹
上林賦蔚藍瑤碧撲襟袖氤氲不辨天上路相期
搜討紬秘文石渠天祿附傳注茲遊三度

恩屢邀春光秋色均逍遙致身福地良不偶典籍特重
同文朝巖穴幽人慕貞吉

帝庸作歌隱可招願將崆峒訪道志譜入金簡期松喬

盤山道上

薩哈岱

遼廓風烟古薊州
盤中清景近深秋
低坡蔓草眠黃犢
遠渚平沙下白鷗
日轉千峰開鳥道
雲橫雙堦見僧樓
等閒恐被山靈笑
馬上題詩紀勝遊
秋日扈從盤山天成寺因憶昔遊

不到田盤二十年
又隨

清蹕一攀緣
雲含蒼翠山高下
霜絢丹黃樹斷連
雙堦影懸峰外寺
萬松響雜澗中泉
天成舊是題詩處
指點烟霞滿目前

讀德松如盤山倡和詩追次原韻 沈青崖

聞道天成寺最幽，山藏曲室少平疇。
衛公遺蹟千秋壯，畫破罡風到上頭。

烟霞層疊薊門村，特為聽泉憩樹根。
行過青溝登舍利巖，頭俯瞰見諸孫。

磴危泉怒亂雲橫，鉢內龍歸法雨晴。
夜宿上方諸品靜，倚牀猶聽遠鐘聲。

超登雲海望天涯，甘澗東西好住家。
挂月峰前迴

客屨補衣剪得赤城霞

登盤山

符曾

石壁插天起三盤
踏翠登中藏隱士
宅蘿徑挂脩藤
暮與歸雲宿
朝看曉日升
居人不識我
喚作入

山僧

攬勝集遥秀紛然滿
眼來春風下殘照
松壑散清哀
山湧翠螺旋石分青
峽開思將衣上垢一濯澗
邊回

明月清無際言尋石徑微濕分松葉露涼滴水田
衣懸瀑垂如練崩崖勢欲飛陽阿如可即余髮殆
將晞

行到萬松境恰當亭午時上盤浩雲海下界淨琉
璃潭影窺天小經聲度壑遲由來清絕景塵外幾
人知

宿東竺菴曉起山門看雪

陳 臯

海水夜剪馮夷宮八萬四千驅天龍我佛要施鉢

大正十一年

山雪裏山更佳滿目清機杳難說我生與山頗為緣
青氍毹布襪無時閒天公恐我太寂寞故教神力鋪綴
乎其間一覽已覺凡艷陋道人休約紅杏然自蓮花池
捨車步至天成寺

捨車理簷屨石路盤谿訝朝暾在溪門斷崖露削
爪冰底啼幽瀨宛轉行修蛇兩山環肘腋徑轉開
衙衙翠屏駕香界萬萼青蓮花平生泉石心於此
興更賒禮足向白佛幡影揚寶珈

晚自歡喜嶺取道西峰樵徑而下

松風吼潮音澹日西嶺帖山僧導我行取徑何嵒
嶭側身穿石門荒榛齧衣袂崩崖鬼面皴暗雨莓
苔浹下臨勢不留有似冰帶屨查子濟勝強騰身
自誇捷同人怖無言予亦屢回怯稍見祇樹林禪
燈出香葉仰面千仞巔翠色與天接不加一枝藤
雙足何由躡

自上方寺踏雪至少林寺觀多寶塔

朱岷

山腰積雪白層層
掃徑偏憐擁帝僧
指點少林雲外寺
尚留餘興踏春冰

宿東竺菴曉起山門看雪

查為仁

晨鐘警夢破殘燈
耿耿菽粒斂息趺匡牀
靈籟延虛入初驚
蟹爬沙旋訝蠶食葉
振衣先衆起迺知雪
霰集近山銀闕封
遠山瑤臺立大哉
造化功寒光萬里
吸我欲扳松行松
松玉龍蟄語客且
收筇地

爐傾米汁

望盤山

戈濤

長嘯出都門，翹首望盤嶸。
遠景明村墟，浮雲澹寥廓。
褰裳涉通津，春水半欲涸。
是時微雨零，夾岫桃花落。
烟郊入馬蹄，平沙淨如削。
岡巒稍蔽虧，雲樹互旁礴。
奇峰決眎來，蒼烟滿林樾。
耳目頓靈異，心神坐超忽。
停鞭倚夕陽，迴首想城闕。
日入爭餘光，往來猶奔蹶。
咫尺緬靈區，忍向塵埃沒。
山僧早閉

門寂寥晚鐘歇

自玉石莊達天成寺五首

步步泉聲急層層石色分
入天無寸土橫路有孤
雲野鼠時驚客林猿各覓羣
鬱然深處望嵐氣曉
氤氲

稍緣一徑仄漸逼萬峰齊
曲折藏幽處人家過澗
西數驚石欲墮回訝路全迷
幾日桃含蕊殘紅流
滿溪

餘寒猶中客知是入山深躑躅花迎路栗留聲出
林偶隨漁者去或負釣竿吟小坐蓮池北蕭然淨

我心

蓮花池在天成寺南

雲壑都迴轉峰巒互帶纓於山為曲室有寺號天
成絕壁

宸章迴高峰佛塔聲老僧諳舊跡指點澗泉名

樹影沉沉合山光簇簇濃蒼烟來絕壑落日在高

峰晚飯抄雲子香泉烹鹿茸

菜名

耽吟殊不寐卧聽

上方鐘

由石門歷萬松寺至盤谷禪院

疾行取山勢緩步覓山趣琤琮辨風泉窈窕測烟
霧石門割奇秀怪石森相聚蒼骨間青脂一一狀
刻露人言始皇帝長驅競海渡憤不受鞭箠遁逃
散此處蚪松萬萬株長根黏石固下銳而上豐斯
語信不誤林端杳鐘磬花宮恣遊寓突兀壓頽峰
穹碑最高踞云是舞劍臺英雄於茲駐至今風壑

松時作蛟龍怒翻然更東下披榛尋微路磴石相
陵臨塘坳幾回互山光變更奇夕陽亂烟樹野獸
紛鳴嗥鳶禽各歸鶩前林覩深黑寸心多恐怖盤
谷方大地踟躕一迴步

遊盤山

張模

投晚山前宿凌晨上翠微花香時入袖雲氣自沾
衣綠樹千重合清泉一道飛采來薇蕨美曉露未
全晞

為愛山光淨招携愜素心留詩題石壁把酒坐花
陰野鳥能窺客林風乍滌襟未能長住此翻悔俗
情深

山居詩

釋德清

獨坐長松下悠然太古心高山流水意誰復是知
音

松下數椽茆屋眼前四面青山日月升沉不住白
雲來去常閒

靜夜鐘聲不住石牀夢想俱空開眼不知何處但
聽滿耳松風

春深雨過落花飛冉冉香上衲衣一片閒心無
處著峰頭倚仗看雲歸

青山不動自如如朝暮雲霞任卷舒縱有紅塵深
萬丈曾無一點到茆廬

依巖結構草為菴乍可容身止一龕但得心源歸
湛寂任從世事付癡憨三竿日上還高卧丈室雲

封不放叅佛祖直教踪跡斷何須前後列三三

盤山

行乾

形無定向勢如龍古樹扶疎嘯晚風面面烟霞浮
幻景層層蒼翠露真空寶圖卓立千峰上金刹橫
開萬壑中舉世丹青描不得白雲常繞梵王宮

山居詩

憑空一片山玲瓏無背面巖下有龍吟可聞不可
見

春深涯際草萋萋
牧豎攜籃過澗西
試問於今何處去
白蓮池畔采青藜

夏日雨後望盤山寄青溝和尚

智暹

炎炎盛夏當初伏
汗下如漿髮如沐
驟雨驚雷何自來
倒甕翻盆經信宿
曉起潞河忽放晴
燕山薊嶺來
心目飛翠浮青指
顧間卻憶師兄住
盤谷幽人永矢自
弗諼卧枕松根一
坦腹慚愧而今老
大身濫廁法門空
鹿鹿他時決計賦
歸來料得茆庵

不須卜

盤山

超見

盤山怪石攢聳出碧雲端
磴氣侵入冷松聲徹斗
寒

盤山漫興

超正

大象本無形名山突兀起
蚪松堪盤桓古洞可棲
止師昔此談禪余今斯論
理言前顯正因句裏明
宗旨五峰鉢囊間八石衫
袖裏於斯悟靈機是得

真如髓

盤山即目

智 韜

曉日空林似晚霞
晴光遙映住山家
一聲清磬雲邊出
幽鳥時銜樹裏花

四正山居詩

超 常

耳觀多清淨
流泉響若琴
鍾期歸去後
無復問知音

一灣流水碧滿地
落花紅不道春歸去
惟言昨夜

風

遊盤山

超然

勝概畿東第一峰
烟雲影裏碧重重
烏藤不怕蒼苔滑
數遍厓巒萬樹松

登盤山

智楷

多年懷此山
今日到山間
豈獨山幽靜
更忻僧意閒
是非人不至
松石戶常關
登陟無仙骨
雲巔未易攀

盤山

元玉

聞得盤山數十年孤筇今日到山巔松崖四處濤
聲發疑是匡廬瀑布泉

盤山雜詩

智朴

盤峰勢礧礧似帶癡頑意於中具大觀存神別有
致雲霞時吐納中虛外特異掩勝潛幽奇處處恣
遊戲洞壑屈曲深萬松藹蒼翠四圍鐘鼓聲饒多
芡菊寄山川祕英華草木生文字惟我信宿緣佳

年十有四招隱寂無人虛存招隱志

盤龍作住宅茹養寄吟哦
五苗充午供既飽資天和
彼茁者黃精春深遍陂陀
采之必以時食之不厭多
夫豈取遐壽抑以療飢疴
時乎忘遠近曳杖躡嵯峨
山泉清瀾漪山樹老婆婆
居停無回互禮法不我苛
洵非人間世韶光一剎那

石古雲根奇嵯懸樵徑
仄老僧不耐閒放眼看秋色

遙峰一望迴難齊
烟靄空濛落照西
二月春風無事市
山前山後聽黃鸝

上方寺東有前人詩
鐫絕壁上字半湮沒
洗苔讀之得君昔有言
歸李愿之句有作寄朱竹垞
檢討

君昔有言歸李愿
我今無語憶田疇
為尋二妙間踪跡
遍踏巖巒未肯休

同洪昉思遊衛公菴至天成寺作

幽谷迴禪房
跣趺忘歲月
門徑恒蕭條
春深草亂
發勝遊
久不萌高興
今勃勃出門
失後先
蹂踐松
鍼滑過山
復過山
險隘遭顛蹶
下上歷招提
升獲
耀林樾
老僧注意殷
留客飯
薇蕨日午
向天成
逢
陰樹底歇
快哉到寺門
胸臆自超越

過淨土菴

細路荒寒照眼迷
山花滿院見幽棲
老僧對客無
言說
笑指南軒作畫題

題盤山圖三首

點出三盤最上盤
浮圖高挿碧雲端
想知夜半鐘聲發
應有神燈繞佛壇

千峰萬壑冷森森
飛翠浮青入望深
七十二庵人不見
黑龍潭底老龍吟

千株萬株青松樹
十里五里紅杏花
看到田疇舊隱處
梵宮影亂夕陽衰

龍文雷王楚鶴遊盤山
訖卻返津門作此送之

山水有情人始獲山水妙領攬旨趣深不假目力
照君契山水情塵鞅俱拋掉來此汗漫遊芒屨易
輿轎刻畫山之神似與山靈約山水嘿無言我作
山水調送君返津門崕壑發光耀歸示社中人啞
然同一笑

入盤山

德意

真見盤山勝巍然壯薊門奇峰齊日面怪樹插雲
根未過中盤寺先經亂石村臨流貪濯足不覺已

黃昏

山中口占

路險疑天近峰高覺日低
金臺望不極猶在潞河西

盤山

再過雲中寺悠然興更濃
峻嶒千仞瑤簫翳萬株
松上下分三澗高低列五峰
澄潭人不到決定有神龍

冬日陪楊雨田登盤山絕頂

青山不我慳因得山中住佳山來故人登陟饒幽
趣趣幽次第看冷翠如烟霧忽爾朔風來巖壑松
濤怒擬同萬馬奔令人生恐佈攀陟歷層崖石滑
踰其步紺宇嵌絕巔孤墪雲中露舒徐到寺門主
僧欣再晤登塔禮佛牙舍利金城固山水有奇觀
領畧在所遇不是箇中人幾多成虛度

山居

小窓開向綠陰中
夢覺翛然絕異同
到此不知山色好
人間無處買松風

山中口占

山秀石多怪林深路轉奇
三盤無限意幽絕少人知

山中

依松結個小茆亭
四面青山列畫屏
最是道人消遣處
一爐柏子一角經

同洪昉思遍歷盤山之勝

德風

先生自悔入山遲正是春光向暮時策杖尋芳紅
爛漫捫蘿踏翠綠參差崖邊雲氣晴偏好樹裏鐘
聲晚更宜此日相攜同眺望幽懷猶約後來期
遊盤山呈拙庵和尚

常鑑

四正磅礴京之東欽蠟邃峪開洪濛五峰八石嵌
雲表異狀奇形信鬼工聞昔田疇肥遯此此山得
名良有以人聞寶積佳其中龍象奔馳非偶爾迄

今列剎如星分齋魚粥鼓驚相聞浮圖直矗層霄
上神燈靜夜出松雲中有幽人忘寵辱二十年來
遠塵俗道行孤清感

至尊青溝片席流芳躅我來瓢笠偶經行怪石蒼松倍有
情何當卜得三椽地嘯月吟風了此生

盤山

德靖

翠疊烟巒望去幽化人宮闕在峰頭丹青妙筆難
為寫只許凌空道者遊

盤中

清閒一味讓僧家
除却焚香便煮茶
物外幽情山
內境四圍繞處是烟霞

青溝對月憶草堂諸友

道王聰

好是青溝月能開
衆壑烟晴輝照素壁
冷露濕冰絃
鳥宿三盤樹
鴻歸萬里天
春山雖有句
誰寄草堂前

贈盤山道者

無名氏

鬚髮蒼然氣若霞
朝朝吟咏是生涯
閒來趺石長松下
獨對山前萬樹花

帝京之東盤山之中
十里五里千峰萬峰
青松紅杏與此一翁
更誰管領竟日春風

欽定盤山志卷十四

欽定四庫全書

欽定盤山志卷十五

物產

凡名山精脉融聚處生殖繁昌况昇平既久太和之氣日新月盛人力又加勤焉其物產固非耳目易窮哉田盤骨峻而膚潤霑近

天之膏澤山禽野卉自若天機宛如上林苑園中物今茲籍記雖有愧於郭璞之注陸璣之疏而著食用

別品類差足資多識矣

果木

松盤山之松以百萬計而其奇絕者多生罅中擁
腫卷曲其勢不得伸枝多旁抽如怒龍之攫人有
陂陀土壤而生者大數十圍龍鱗斑駁或挺聳直
上或青蔥垂下明王衡所品松為最良非虛語如
古中盤之以盤龍抱子卧雲名者東甘澗之以斗
笠名者劒臺之以支離广名者其類殆不可枚舉

也

李錯咏法藏寺古松詩造物無餘力孤生此物奇
鉤盤容一騁局促殆相持骨聳青鱗角斑駁赤豹
皮雷聲如解作龍戰不披麗勢薄秋空黑根盤大
壑危長風有時下萬里為之吹孔蓋邀

天步金幢助佛儀介龜終解甲靈怪亦何為

又支離叟二松歌

在劍臺東

物有奇偉每絕倫意想所

及猶非真乾坤迺有此松樹被髮狂蚪驚天閣何

時於此詭託根皴皮斑駁蒼龍鱗千年偃側忽怒
伸媧石迸裂青天痕風雷倒激鐵幹偃日月低盪
秋陰昏下有一株不盈尺連蜷天矯蟠龍孫二者
化身夫誰是伸縮大小真有神諸松鵬騫復鳳翥
視此一切非其羣形神直追古蒼頡冠劍儼對荆
靈均陰森不敢久相逼鬼物呵護如欲嗔委蛇卻
下恣太息回首一峰沉亂雲

檜天成寺檜下一少林寺一香水寺殿後三龍泉寺

嶺前一皆千年物也

椿有二種菜椿香椿香者較勝

楸樹似核桃穀雨前山下居民采輭皮售之曰楸皮
一名山核桃

橡遍山有之上方寺者最古

構櫟以其葉包果味更香伏日采之蟲不蛀

木蘭芽六七月間采之可染皂

荆爾雅翼云凡木心圓荆心方七月間山家伐輭條

編器盛糧曰荆固

山葡萄一名燕萸紫黑色粒小味酸七八月間山家采之款客

椒有二家椒野椒野椒出五盆溝與小盤山七月間居人采之醃菜味同小茴香

杏田盤峰坳澗側有土壤處皆植杏春時萬樹齊發花光炫耀與鄧尉西溪之梅各擅標格仁皆苦有一種甘者名巴旦杏

李盤山李見客燕雜記

桃有八種是處宜值花時穠豔盈囑

栗史記貨殖傳燕秦千樹栗草木蟲魚疏五方皆有
栗惟漁陽范陽栗甜美長味金史地理薊州產栗
今山中所樹落實頗豐

棗多植平岡小阜神異經北方大棗味有殊既可益
氣又安軀

柿小曰火柿大曰蓋柿山中最繁盛實熟時葉赤如

燒點染蒼黛不若楓桤之待霜也

蘋婆果為燕地果中佳品盤山之麓一樹大可合抱
居人云此樹歲可得錢二十千江南橘柚五十樹
不能及也見唐時升三易齋集

檳子品亞於蘋婆果色赤而微酢

花紅俗名甜果即林檎

尾桃北方多種之以殼薄仁肥為佳俗名核桃

梨有多種曰錦湯曰香水曰紅綃曰棠梨山中是處

有之其品亦不減河間廣平所產

智朴甘棠辯譌爾雅云杜甘棠郭璞注云今之杜
梨杜梨即甘棠也花純白鼓開最繁結實黃黑大
如指酸澀不可食朱注謂白者為棠赤者為杜蓋
本樊光之說非是赤者為棠或有之鐵梗木瓜是
也因有赤白之說故人以蘋果櫟子實之夫蘋果
如拳其色紅白相兼而甘櫟大如卵其色紫而酸
皆清香可食為果實之尤者珍惜寶護之不暇宜

有翦伐之理乎惟其酸澀無所用故人多翦伐詩云勿翦勿伐意有在焉棠杜二名本一種無煩曲解

謹按日下舊聞引陸璣及通志廣志定甘棠紅白二種為蘋果櫟子較智朴所辯為核實

山荆子形似杜棐其果大如胡椒殷紅霜後可食其木用接蘋果甘香有色櫟子林檎海棠木瓜俱用此接之他樹接之則不活

竹高止尋丈宜於巖陰水際

查為仁涓涓泉畔見竹詩脩脩岩下竹經冬翠如
是最愛兩三枝出石斜映水

藥草

山中藥草未能
詳考僅錄數種

黃精博物志云藥物有大毒不可入口鼻耳目者即
殺人一曰鉤吻盧氏注云黃精不相連根苗獨生
者是也按黃精與鉤吻本屬二種本草黃精味甘
平無毒鉤吻味辛溫有大毒黃精一名重樓一名

菴竹一名雞格一名救窮一名鹿竹鉤吻一名野
葛折之青煙出者名固活黃精葉似竹每葉旁生
二黑子鉤吻葉似杏而小原不相同孫氏千金翼
方謂黃精於二月采根陰乾不若秋後之為愈也
智朴按黃精盤山最多居人未敢為食自辛亥朴
結茆青溝日采製以款客人皆效之不數年中遍
山殆盡百合亦然

洪昇謝寄黃精詩短髮秋來白漸生虛勞開士寄

黃精草根難與人愁敵朝見三莖暮五莖

百合產澗中根大如卵莖高三尺餘花類萱草而色紫其中有黑點結子純黑如豆纍纍黏莖上秋冬斫之甘香可食非時斫之則味苦

烏藥產澗中藍花散生味苦毒人康熙初山水暴漲悉為水削去傳聞終南南嶽多烏藥山家種之充道糧然炮製不法者亦毒人

石花產峭壁性寒無毒暑天采之代茶

洪昇采石花寄王昊廬詩千年石上花日月積光
氣寄與玉堂人山中有此味

木靈芝孫興公天台賦云五芝含英而晨敷神農經
云六芝之延年耳目紀云赤城山頂有青芝盤山
所產者惟紫芝或云煎湯服之能已心疼

智朴山行獲紫芝寄阮亭侍郎詩二十年來只自
知平懷一種最相宜不因偶向松邊去那解深山
有紫芝

王士禎謝拙庵禪師惠芝詩寄我靈芝車馬形萬
年松下斲青冥菟絲聞道垂千尺更欲從師乞茯苓

知母盤山最多采藥者遇之不顧

朮按吳氏本草云朮一名山連一名山介一名天蘇
一名山薑有蒼白二種神農經云必欲長生當服
山精異術記云朮草者山之精也結陰陽之精氣
服之令人長生絕穀致神仙無盡燈云朮有蒼白

二種皆可服餌蒼朮味苦而效速白朮味甘而效遲盤山祇產蒼朮

服朮方斲朮若干斤泉水洗為之淨清泔漬三五日漚出竹刀去皮忌鐵曬乾均以小黑豆碾極細末麤過加紅棗肉千杵為丸桐子大每滾湯下五六十丸至百丸止久服為妙

野蔬

山豆苗莢生似薇二三月生溪澗側出土輒垂首向

下山家采之作羹極鮮美廬山亦有豆苗產豆葉
坪

宋肇答拙菴以豆苗菜見寄詩杏白松青地幽巖
豆有苗盤餐足風味采擷訝迢迢烟葉看仍脆香
莖芼未消因之憶廬阜佳話記清宵

王式丹和韻詩土膏春應候山隴豆抽苗以此嘗
新好相思餉客遙飯香良可佐酒渴亦憑消微物
成追憶廬山似隔宵

喬崇烈和韻詩不荷金鴉久南山想舊苗闌干看

寸寸荒穢付遙遙撐拄應無負

方岳豆苗詩遠膏
莫致之長負腹

育定未消

東坡書生說
食真膏育

春羹添故實高唱玉堂宵

劉輝祖和韻詩不是南山種東風暗助苗提攜烟
露滿寄贈水雲遙至味如人淡嘗新使意消周顒
愛佳句咀嚼坐深宵

杏葉菜形似杏葉味甘可食

智朴拔堇蔬寄牧仲觀察詩冉冉輕烟閃閃黃飯

餘嶺上弄春光
豆苗競茁紅
侵步杏葉才開綠
滿筐偶摘最憐人
不見小鮮偏喜我
初嘗非君古道
誰堪寄只許山家作道糧

宋肇依韻答詩
柔莖纖葉碧
參黃春礪幽
姿泣露光
小摘雲林扶短杖
遠馳瑶草侑盈筐
種宜上苑花
時見道憶廬山
雨夜嘗榆肉
楮鷄誰得似
殷勤真費道人糧

宋至和韻詩
沙柳輕盈弄淺黃
盤山二月好風光

犬牙鵝管苗穿土鼠耳牛脣翠落筐錦字裁成香
共遠雲厨分至味初嘗只緣蘭蕙同幽契費卻青
溝十日糧

黃花菜一名綠蔥盤山溝澗中處處有之
筆管菜即黃精苗初生四五寸如筆管

諸葛菜即山芥菜埜蔬之最早者產上方寺及桃園
溝

龍鬚菜即知母苗

虎爪出土三五寸拳孿如虎爪

苦益菜似野荊葉有浮毛叢生溝澗中三月間采之
爍去水醃烝三五次作齏乾菜頗佳

智朴酬施梅菴寄苦益菜詩寄我山蔬名苦益得
來不覺興飛揚無人不道肥甘好誰信此中滋味
長

橡斗子莊子狙公賦芋即此實可為粉中秋前後熟
即墮地居人拾之以水漬數日曬乾去殼復漬數

日磨濾去滓水淨成粉不澀為度或云可愈痢

蕨產九華峰後夷齊歌云登彼西山兮采其薇矣薇
不堪食薇與蕨有辯薇藪生蕨獨生薇莖細蕨莖
麤薇有刺蕨無刺薇味苦蕨味甘似所采者非薇
是蕨歌迺稱薇詩又曰薇亦剛止不知何說俟博
物者再考之

菌北人呼菌為麇有多種松麇黃色延壽麇紫色土
人呼為猪臟麇京麇白色出蔣福山一帶大者如

盤雜蘄有青黃赤白色者有毒戒不可食

智朴偕淨衆雨後尋菌弗得詩昨歲秋雨後攜籃
步荒陬去去適我意所獲皆中馱歸來呼作羹輒
玉浮湯頭一飽忘百慮外此復何求今歲仍秋雨
還同昨歲謀所至不獲一踏遍林與邱

山花

金雀花黃色叢生有刺開最繁形類金雀

卷丹花根類百合而小作花殷紅可愛

杜鵑花一名映山紅遍山有之較南方者色微紫

金銀花一名忍冬蔓生初白色將萎色轉黃或謂黃
白並開者非香清烈園中植之可作架先師臺黑
瑤峪最多

紫薇花酉陽雜俎云北地樹絕大有環數夫臂者今
山家亦植盆盎中

牡丹芍藥僧廬欄砌間多種之

李錯招同藏公過萬松寺看牡丹作詩春草弄芳

色相思欲何言孤琴不成調脫身尋邱園新新無
已時遲莫將誰援火傳薪指窮茲理如所宣輒吹
起客心問彼塵外緣何以昇道懷梵雜或不牽行
歌入沕穆杖笠任後前真境匪遠趣隈隩金繩懸
寶華湛琉璃白日麗輕烟翠鳥試翔飛威鳳稍低
寫諸相固紛糝繁誰得其原妙香粹無著暢悟無
生前

小繡毬裝生石罅中其花攢簇如毬白可愛但不

能移移之即枯

玫瑰花紫色叢生有刺極馥作膏食之亦佳

丁香花產五盆溝一帶花繁香烈首夏盛開累累石

罇中如繡

甘菊黃色產澗邊花小而繁氣最馥九日采之置枕

中能明目

敷地錦俗名飯花高尺許叢生花紅紫色味甘可食

四月中盛開徧地如錦

白蓼產青溝高五六尺花純白性喜水煎湯濯足能
止刺蓼有三種其紅者生窪下處高大許詩隰有
游龍是也又有小者味辛其子生采可食

禽

火燕雄者黑紅色雌者黃色巢石孔中或簷下

沙鷄羣飛多鳴盤山春初最多爾雅釋鳥云鷄鵒冠
雉是也土人呼為沙鷄一曰半翅然鷄鵒沙鷄本
屬二種鷄大如鵠歧尾毛脚無後指沙鷄似雌雉

而小短尾紅腳無後指爾雅混而為一故辯之

畫眉鳥較南方者微小亦善鳴

桃雀張華禽經云桃雀狀類黃雀而小燕人謂之巧

婦亦謂之女匠善營巢

獸

神虎昔老僧慈慧住法藏寺塲院持法華經二十年
不下山有偷兒屢竊道糧虎即遍山叫嘯響震崖
谷偷兒自此寢息凡盤山之獨處者仗此無虞故

名神虎好啖犬故山中諸庵無犬

鹿盤山處處有之丙辰春青溝西嶺有黑鹿二大如羸其毛類山羊長六七寸羣鹿隨之東西不敢逆隱現月餘後不復見

松鼠有二種小者不過三寸通身豹紋最靈黠名松鼠大者灰色善盜果蓏園圃以此為患俗名臊鼠野狸能食貓故山中之貓難畜

臊狗狀似狸黑黃色走峭壁迅疾如飛

鱗

蛟龍屬無角有足能變化康熙庚午夏五月霖雨十日盤山水涌數丈抉石裂山出蛟百餘廬山志云蛇雉蚯蚓之類穴山而伏三十年則化而為蛟常以夏月乘雷雨去之江湖

善蛇有黃黑二種性馴長六七尺不毒人相傳盤山有五百善蛇潛天成寺墻下嘗來僧座下聽法亦時沿屋壁啖雀雛

布雲虎蛇屬尖頭長尾四足有二種一淺黃色長三
四十一黑花色脊有金暈尾如嬾翠毛天將雨能
吐雲俗呼四足蛇

砂石

金砂盤山地多有之雨後晶光耀目昔有人患貧入
山拾之得數合夸示於人尋以分金爐煨之愈煨
愈不成乃曰我窮人爾窮金也棄之而去

玉石產盧家峪一帶周數十里郭璞山海經注云燕

山多嬰石有符采嬰帶所謂燕石也關子云宋之
愚人得燕石歸而藏之以為寶

豆查石大數十丈或方或圓如鑿如削千奇百怪莫
可名狀能益樹木凡依石之樹倍大

白土產盧家峪東細滑膏潤可以塗飾

欽定盤山志卷十五

欽定四庫全書

欽定盤山志卷十六

雜綴

古今志乘類有志餘外紀軼事一門以廣聞見錄
環竒盤山風氣淳朴千百載中靈幻可駭之蹟依
名附類以傳者視他山為少齊諧虞初之志怪此
書幸無譏焉今取畸言僻事及蹟涉疑似人可出
入者入雜綴中庶幾正編所列咸歸精核而披覽

者亦無星漏之謂爾

宋肇筠廊二筆盤山佛燈每於除夕見之山之雲罩
寺定光佛舍利塢與薊州獨樂寺觀音閣通州孤
山破塔皆有燈出互相往來漏盡各返原處好事
者恒裹糧候之

阮吳錫燕山紀游盤山異蹟有除夜佛燈燈出通州
孤山塢上分為數千百遠繞盤山諸寺至定光佛
塔而止或曰塢中舍利光也

薊州志載獨樂寺在薊州治西南中有傑閣設大士像相傳盤山舍利塏神燈自塏而下先獨樂而後及諸佛刹云

朱彛尊曰下舊聞引智朴志云盤山之頂有雲罩寺相傳為寶積禪師卓錫地一名降龍庵東嶺有舍利塏中藏戒珠六十顆佛牙一具又有彌勒殿黃龍殿每歲除夕有神燈之異

智朴佛燈紀異按宇內名勝僉有佛燈如五臺九華

峨嵋普陀匡廬南嶽百花山人常言之即盤山之
燈人亦常見之丙辰春二月張灣居士洪應廣及
二客僧夜話見燈現於山西南樹杪狀如蓮花大
如車輪燄色披敷下有練光數丈搖曳而西己未
八月夜將半朴出戶甫啟簾見燈大如屋起澗中
紅光燄燄照衣裾作赭色召諸禪侶共相瞻望壬
戌二月見燈二現於屋角東南大小各一去人僅
大許若可攀攬久之而沒乙丑六月廿九日晚課

畢見燈現於正南方初如斗忽大如山如烟如雲
倏起倏墮遍山南面作雨後霞色其光中隱隱有
大悲菩薩千手相光外重光東射莫可名狀禪者
瞻禮歎未曾有戊辰四月夜厲風作王子千比部
見紅光圓圓如車輪橫空而過要知佛燈之異不
止除夜時時有之即厲風暴雨隆寒溽暑之夕亦
常有之但人酣眠長夜苦不自覺耳

謹按朱子嘗於廬山天池院見佛燈諸生或疑其

妄曰僧言則妄而此光不可誣豈地氣之盛然耶
盤山之蘊靈毓秀不減諸嶽精氣所聚發為榮光
理固宜然釋氏好為詭異之說必欲以竺乾靈蹟
實之又烏知名山勝地乃古佛過化之所慧日法
炬夫且照耀大千世界不必假此區區者震入耳
目也

智朴四正山居志云盤山一名東五臺自來峰北臺
也先師臺南臺也紫蓋峰中臺也九華峰東臺也

舞劍臺西臺也瞭甲石為下盤古中盤為中盤雲
罩寺為上盤上盤之勝以松中盤以石下盤以水
又云盤山清明穀雨時萬壑青松十里紅杏天然
圖畫此時煮茗磐石上看白雲聽流水相對忘言
覺五千四十八卷殊饒舌也

盤山四處居人每望山頂起雲便知有雨諺云盤山
戴帽又蔣福山龍潭起雲縹緲不散東行數十里
至黑龍潭沒山後居人僉曰白龍過潭不日有雨

雲罩寺康熙三十三年甲戌六月九日夜大雨暴作
巖下水涌數十丈聲如萬馬蹴蹋徹夜不休樓房
傾圮殿前石壩衝去數里或云出蛟或云龍鬪也
寶坻縣南郭西方庵僧永如遊盤山至天成寺求佛
舍利精誠繞壇禮拜三日夜忽見舍利數顆從空
而下永如持歸建塔表焉

祥邁元至元辯謫錄云盤山中盤法興寺亥子年間

即宋德祐年

天兵始過罕有僧人甘泉本無元公之嗣

振公首居上方橡栗充食以度朝夕後有全真之徒挾邱公之力謀占中盤法興寺迺就振公假言借住振允之居既久遂規永定王道政陳知觀等拆殿宇毀佛像冒奏太后立碑改額為棲雲觀寺內有古佛舍利塔高二百尺及正殿山門一併拆毀至乙卯後上方長老雲公碎其碑奏告今上皇帝又那摩大師少林雪庭福裕禪師朝覲蒙哥皇帝具陳其事聖旨委付今上皇帝改正其弊仍為

僧院延祐戊午九月初四日也

謹按姬翼雲山志所載棲雲卜築事已見方外邱處機條下二氏之教迭為隆替出奴入主毀譽滋多舊志又述辯謫錄云道士李志常等謀占梵剎四百八十二所叩閭庭辯詞窮為僧者一十七人道士自此寢息此尤足徵互相傾奪之習存之以志寺觀興廢之始末云

蟒石東石壁峭絕有盤山古跡四篆字刻最古雅旁

書帶川題三字考帶川乃金大定時人

徐昌祚燕山叢錄云薊州甘泉寺有蛇曰小青龍蚘之屬也與人馴狎時盤宿僧榻禱之能致雨

智朴按甘泉寺曾未聞小青禱雨之說惟西山潭柘寺舊傳潭龍舍宅於唐華嚴祖師衍公今殿角鵠吻潭所涌也龍子青蛇服日傍僧居又秘魔巘旁有潭大如舖覆以巨石深窅莫測即當日大小青侍盧師行雨化龍處也茲因徐氏之譌故引辯

於此

蔣超字虎臣金壇人順治丁亥進士一甲第三人康熙乙巳叅大博和尚於放生池一日入朝聞喝道聲豁然醒悟詣弘善寺呈解博問曰喝久聲消居士作麼生會超曰非但某甲不會三世諸佛到者裏也須結舌博曰不許牽耶曳娘直須親道一句超以手指衆曰今日幸有大衆證明博大笑超禮拜博以拂子偈語付之偈曰百衲禪衣酬玉帶蘇

公自落箭鋒機今朝白拂親相贈祖道還憑隻手
丈康熙庚戌予告歸上盤山辭博尋游蜀峨嵋山
棄世前一日題寺壁詩曰脩然猿鶴自來親老衲
無端墮孽塵妄意鑊湯來避熱那從大海去翻身
功名傀儡場中事妻子髑髏隊裏人只有君親恩
未報生生世世祝能仁次日謂衆曰我本峨嵋老
僧耳故萬里歸骨於此瞑目而逝王士禎夾江道
中寄虎臣於峨嵋伏虎寺詩云絕域相逢感鬚華

幾行清淚落悲笳愁中巫峽暮雲合望裏峨眉秋
月裏方丈一燈誰問疾孤帆萬里客還家故人咫
尺不相見夢繞平羌江水涯又輓蔣詩云西清三
十載九病一遷官晚憶峨眉好真忘蜀道難法雲
晴浩蕩春雪氣高寒萬里堪埋骨天成白玉棺葉
臣遇輓蔣詩云文星一夜落峨眉仙佛因緣有夙
期莫道生天非易事再來幻跡自神奇

謹按蔣虎臣蹟甚奇而參大博在京師蛻化在峨

媚伏虎寺中僅一至盤山耳列流寓傳未免牽附
故錄其事於此

僧慧喜字心悅滿城劉氏子萬厯己卯年十六聞盤
山石室中有一老宿坐禪師裏糧往謁一見便問
西來祖意從何處入老宿曰汝曾讀永嘉證道歌
也未師曰嘗誦之但不知捷徑入手底工夫老宿
曰不思議解脫力妙用恒沙也無極師曰不思議
便是捷徑但思議屢興打疊不下時如何老宿曰

但爾還不曾會得不思議倘若會得自然解脫不用打疊也師從此信入

謹按舊志載嵩山僧海寬所作喜禪師傳載法語頗詳然喜繼無言主少林入汴行化歸骨少室皆與盤山無關故僅節錄石室老宿問答一事

朱彛尊曰下舊聞述盤山志云黃龍祖師殿在盤山絕頂六角以象天圓地方每方各濶一丈通高二丈九尺層檐複栱皆以甃為之建於正統十四年

至成化間鑄鐘一口重二千觔覆以樓

黃龍祖師銅像高三尺餘遼碑云歲饑偷兒入山竊
祖師像至澗中重不能舉欲碎之祖師大唱響震
崖谷偷兒驚散翌日仍舁上山一無所毀

秀峰庵側闢忠義祠前有石碣二左碣刻不謝東君
意丹青獨立名右碣刻莫嫌孤葉淡終久不彫零
云是忠義一筆書康熙二年立石意是箕筆也

上方寺東石壁上刻菩薩相又刻悉怛哆跋怛羅叉

刻大方廣佛華嚴經又刻若欲人了知三世一切
佛應觀法界性一切惟心造字畫俱古雅摩崖歲
月無考

康熙己巳夏盤山壁燒四起七日夜不熄松被焚死
無算寺宇茆舍一無燬庚午偷兒盜松無虛日辛
未春三月壬辰蟲災松松死者萬計如炬燬蟲似
蠶鰲黑毛身長四五寸墮地能躍起尺許或云天
蠶秋七月霖雨四旬死者復生如故

盤山豐於石而歉於土產薄僧貧牧茲土者每加優恤前明崇禎中有豁免雜差之碑立於雙峰寺

國朝康熙中有蠲免柴需之碑立於少林寺又山中多數百年古樹屢申盜伐之禁故得長此鬱蔥

行宮既建兵弁昏旦巡邏深岩景色更月異而歲不同矣

山中諸古刹月有念佛會蓋始於智朴有張元起為規約跋云分身遍刹塵只為婆心切會得阿彌陀

一搗一掌血至今僧侶能守清規亦他所罕見也
明正統時千相寺僧行明善醫眼疾凡目翳瞳眊者
聞風而至咸獲瘳後裔因習其術入謂盤山眼藥
以此

西溪叢語云聞有田子春節義為士雄漢書劉澤傳
云高后時齊人田生游乏資以書干澤澤大悅之
用金二百斤為田生壽田生如長安說謁者張卿
諷高后立澤為瑯琊王晉灼楚漢春秋云田生字

子春

王士禎曰田疇傳疇字子泰或云子春陶詩間有田
子春節義為士雄宋姚寬西溪叢語引漢書劉澤
傳云云按此詩上文云當往至無終無終正田疇
所居若澤傳田生乃齊人其說謁者張卿乃游士
說客之流安得稱節義此寬好奇之過而不自知
其鑿也寬字令威南宋人所著書二百卷古今同
異無不該括晚始召對殿中忽感風眩而卒出處

見葉正則集

唐于頔相公鎮襄陽偶閱觀音經有疑一日訪紫玉
山道通禪師問曰如何是黑風吹起船舫漂墮羅
刹鬼國玉咄曰于頔客作漢問恁麼事作麼于公
失色玉指曰者個便是黑風吹起船舫漂墮羅刹
鬼國蕭九峰靈巖寺碑記作藥山李翱事謫

袁宏道答陶石簣書夏月入盤山東南無此奇觀西
天目當退一舍弟自去年九月已斷作詩偶探奇

勝不免見獵耳

王澤弘與智朴書和尚飛錫來京塵以不得相見一
問近況兼悉山中風景悵然者久之承寄兩絕句
此司空表聖所謂得味外味也欲即奉和而侍者
告以踏雨便歸容詩成再寄和尚舉楞嚴經語云
賴有不遷變者在者個誰有遷變者乎直自見與
不自見耳弟前詩尚未寫來至今抱歉阮亭云屢
於盤山志搜得未收詩文奉寄可稱快事弟從溧

陽相國集中見盤山五言絕一首今書上深陽當
世偉人得此二十字亦不少矣

王士禎與智朴書再接山中書兼讀見酬之作正如
五月松風人間無價恭誦

駕幸青溝紀事足為蔽林千古佳話不但作此山一段公
案也小刻未較正舛迕頗多承吾師一一開示深
感元人文集向有數十種都未攜來京邸竹垞太
史日下舊聞蒐羅甚富當無遺珠也名山記名山

勝概記諸書曾一檢否茲從列朝詩集中錄得盤
山石刻詩一首故相國孫文定公游記一首絕句
格詩六首祈補入

又正切凝思忽來芳訊詠詩愛黃葉秋風之句披
圖擬千巘萬壑之奇便如與吾師把臂入林忘其
身之在京雒也口占一詩聊供捧腹竊意此山既
以田疇得名則疇生平當詳著之今簡出三國志
本傳及曹孟德表一令一并水經注二條田疇論

一篇以備采擇外敝同年陳說巖大司寇北鎮集
中有盤山長歌一首最佳特索一本奉寄

又山居之妙莫過杏花紅葉兩時都為大師占盡
書來云云麈中人引領東望何異畫地作餅不可
啖耶一笑承再示圖志及拾遺辯論退食之暇反
復細較數過鄙見所及輒乙其處碑版文字亦間
有刪正要以馴雅為歸不識吾師以為然否爵里
書法詳略或未盡一皆已改訂此番繕閱商榷似

無遺憾矣特從敝鄉取到元好問中州集又搜得
劉迎閻長言詩二首皆金源人也何鏜慎蒙二公
名山記搜得李元陽舞劍臺記一篇雪夜挑燈每
得古人片語隻字輒為狂喜真書生結習然亦不
敢負吾師諉誣耳

入山志久已訂完又搜得明人記一首金人詩二
首封緘寄上而侍者適已還山暫留篋笥今馳奉
法座刻樣確以十行為古雅前札已詳之如刻成

一卷先佇惠教忽忽附候動止

人接手教兼得山志新刻不勝忻快刻手古雅較
訂精審名山有靈大師顯微闡幽修此墜典雲嵐
草木皆開生面而弟亦附以不朽歡喜讚歎何可
名言士大夫頗有詢此書者便中再寄數部以應
其求何如近人搜得故相國李文勤公與今大宗
伯張敦老盤山詩數篇錄上可入補遺尊製普照
上人碑文極簡質元稿附還唯付典記

朱彞尊與智朴書勝遊中輟近復逐隊趨朝恐紅杏
青松無緣領要山靈定攢譏竦謂矣捧讀手箋恍
如覩面上方石壁詩豹斑龍甲雖殘缺亦可寶但
李愿所棲迺在濟源故昌黎又謂太行之陽有盤
谷也然山以盤名谷亦宜然以青溝定作盤谷正
無不可不必援李愿以為重大師棲此足以千古
耳

又側身東望勝遊終不能果青松紅杏未免笑人

不休矣忽接手疏如領談麈深慰黃先生汝亨字
貞父吾鄉錢塘人萬厯中最擅文名著有寓林集
李元陽盤山記向曾見之以其不工不錄也容留
心覓之得則郵寄何時北來劇談以開蒙滯跂余
望之

高士奇與智朴書弟性同鱗羽愛止邱壑早嬰物務
未遂斯懷徒有神往名山時勞夢想疇昔兩度

賜游簪筆慙慙未敢肆所登歷思於請休南歸時紆途入

山就訪青溝與大師一話無生不意寒日東裝出
彰義門遂弗獲了此夙願馬首低徊為之悵結田
居五春多病閉戶無異禁足枯禪每念盤山佳勝
雖未暢遊猶喜得窺半面山光樹色時時誇向山
農畦友頃者天鑑大師過訪茆堂詢知大師道履
冲和青溝禪院日已開闢成大道場更示山志三
復讀之正見大師一番苦心指人道路固不在語
言文字中而嚴核精考體例佳善使未得身至盤

山之人讀之心生歡喜敝鄉徑山天台亦是浙中
名境近取閱其志鄙陋謬錯急思擲去并不知其
山之佳安得大師撰述為之表彰固知山川之美
必藉典籍以傳良不虛也因便問候起居小詩奉
懷不堪棒喝舊遊詩記自愧未工既荷采入復徵
小序謹附數言希為教削

宋聲與智朴書七月下澣遞中得手書具悉法體清
佳旋剪燭展山志閱之終卷簡而該核而不蕪是

書之傳無疑山靈有知亦當讚歎大師功德矣弟
清苦如故吾而此間事多悶悶意況殊不能佳來
教云韶光密念念遷變要知更有不變者存足
見大師婆心為鈍根人棒喝弟輩七尺幻軀正如
一葉舟在大海風浪中聽其掀簸未知歸著何所
恐所謂不變者亦不免流浪飄泊為可念耳何時
一瓢一笠從和尚於青松白石間相對話無生耶
念至惛然神飛矣頃撰志序一首附兩王先生後

敬呈法座小刻附正即日天氣漸寒千萬為道自
愛披奉宵未有期臨池邑邑

謹按舊志多載往來簡牘芟雜略盡間有名流短
翰有關志承者聊存數則於卷末蓋今日蒐討漸
富而經始之勤勞固不可沒耳

欽定盤山志卷十六